



# МҰХТАР ҚАЗАҚ ӘҢГІМЕЛЕРІ әуезов

Кінешіл  
бойжеткен

## Мұхтар ӘҮЕЗОВ

## *Кінәшіл бойжеткен*

әңгімелер

## *Кұрастырған Д. Әшімханұлы*

W Астана  
“Таным” баспасы  
2003  
-36254(1)

**ББК 84Каз7-44  
Ө 82**

**Қазақстан Республикасы Мәдениет, ақларат және  
қоғамдық келісім министрлігінің бағдарламасы  
бойынша шығарылып отыр**

**Өуезов М.  
Ө 82 Кінешіл бойжеткен.** –Астана: “Таным”,  
2003.– 96 бет.  
ISBN 9965-640-29-7

Жинаққа ұлы жазушының классикалық реализм үлгісінде жазылған бірнеше әңгімесі толтастырылған. Бұларда әр заман, әр кезеңнің тыныс-тіршілігі, сол уақытта өмір сүрген адамдардың алуан-алуан сезім күбылыстары шынайлықпен суреттеліп, шеберлікпен кестеленеді.

Адам жанының қатпар-қатпар қыртыстарына дейін ашып көрсететін М. Өуезов ешқашан ескірмек емес.

**Ө 4702250201  
00(05)-03**

**ББК 84Каз7-44**

**ISBN 9965-640-29-7**

**© “Таным”, 2003**



## ОҚЫҒАН АЗАМАТ

Сүйк қыстың орта кезі. Күн түске тақап қалған. Аспанда бұлт жок, ашық. Жарығы көз тайдыратын нұрлы күн бүгін жазғы түріне түскендей болып өзгеше жарқырап тұрса да, ызғарлы қар, сүйк ауа қызыын жоғалтып, жарығына жансыздықтың табын басып тұргандай.

Жер қарлы. Үш-төрт күннен бері қарай айықпаған шыңылтыр аяз бүгін де сықырлап білініп тұр. Күншығыстан соккан баяу жел сүйктың көрігіндей болып, ызғарды көбейте түсті. Кейде сүйкеп өткен салқыны бетті шымырлатып, денени тоңазытады. Тұрғын халқының көбі қазақ болған Сібірдің кішілеу қаласы қыстың ақ киімін даламен бірге жамылып, жабайы табиғаттың жайлай күйін күйлегендей.

Бар үйдің төбесін күпсек қар аппак болып басып алған. Кейбір кішкене үйлерді, көп құймаларды қалың қар жал секілденіп басыпты. Көшениң қары жүргіншілердің табанымен тапталып ысқаяқтанған. Басқан сайын шыныланып сықырлап, кейде шатынағандай болып шытырлайды.

Бұл қала Сібірдегі үлкен өзендердің бірінің сол жағасында орнатты. Ретпен салынған сұлу

қала емес. Орта жері болмаса, шеттерінде тәртіп жок. Оның үстіне шет-шетіне шашыратып салған қазактың жер үйлері тәртіпке ұқсапан сиықтың бәрін бұзып, қаланың шеттерін түйенін жыртылған ескі жабуындай жалба-жұлбағылып ыдыра-тып, тоздырып түр.

Қаланың ортасында базардан суға қарай түсетін Земский көшесінде қазіргі сағатта жургіншілер сиреген, иесізденіп түр. Анда-санда әлде-қандай уақ тері-терсекті пүшпағынан сүйретіп, қыл-қыбырын арқалап, базарға қарай аяндал бара жатқан бірен-сарап жаяу алып-сатарлар ғана көрінеді. Кейде шанасын сықырлатып, жеккен түйесін божылап “шүү-шүүлең” келе жатқан қырдың коңырқай пішінді қалашылары кездеседі. Бұлардан басқа көзге түсетін көп жүргінші жок.

Осындай бірқалыпты күйде бірталай уақыт өткен соң, көшениң төменгі жағынан шығып, базарға қарай беттеп келе жатқан бір шаналы көрінеді.

Жеккені — кәшауда шана. Алдына отырғызған көшірі бар. Бұл келе жатқан — осы қалада қызметте тұрған оқыған жігіттердің бірі — Мейірхан еді. Әлгі көшемен тұра жүріп келіп, базарға тақалған жерде он қол жақта тұрған көк шатырлы кішілеу көк үйдің қақласына келіп тоқтады. Ат тоқтаған жерде Мейірхан шанадан түсіп, үйге қарай жылдам басып жүріп кетті. Жігіттің пішініндегі томсарған кейісіне қарағанда, қабағы тұксиген жүдеулікке қарағанда, бұл келген үйінде бір оқиға болғанға ұқсайды. Мейірхан әуелгі бетімен үй алдына кіріп, содан ішке кіретін есікке тақал қалаңда, алдынан есік ашып бір жас әйел шықты.

Сәнді киінген сүйкімді пішіні бар жас әйелдің түсінде де өлгіндей кейістің таңбасы бар. Түсінің ажары кетіп, қатты жүдеп, ак-сұрланған. Қабағы болымсыз түйіліп, уайымның сзызынан шытынаған. Жұмсақ қара көздері кішірейіп, жасанданған. Жиі кірпіктерінде жаңа ғана шыққан көздің жасы білінеді. Мейірхан бұл әйелді көрген жerde тоқтай қалып:

— Немене, Қадиша, қалай? Негып жүдеп тұрын мұнша? — деді.

Қадиша тұксиген қабағын жазбастан, үмітсізденген пішінмен ақырын:

— Сағат сайын төмендеп барады, білмеймін: жазыла ма, жоқ па?.. Бүгін таңертең сізді “әкең бер” деген сон әдейі кісі жіберіп едік, — деді де, көзіне мөлтілдеп жас қелген сон төмен қарап кетті. Мейірхан жұбатқан болып бір-екі ауыз сөз айтты да үйге кірді.

Кішілеу екі бөлмелі үйдің төргісінде, биік төсектің үстінде қатты ыңқылдаپ, шыдамсызданып, Максұт жатыр. Беті ашандап жүдеген. Әншайіндегі ак-сұр түсі күренденіп ісінген. Көзі қанталап, жастанып апты. Қысқалау қою қара мұрты, сұлу қара қасы, қайырған ұзын қара шашы да қатып қалғандай болып жабысып жансызданған сиякты. Еріндері іштегі қызумен кебірсіп, жарылып, қарауытып қапты. Еті қашып, арыған жінішке қолдары казірде дірілдеп, бір жерге орнықпай, ауру кеудесін сипалай береді. Қолдарының түсі сарғыштанған, тырнақтары көкшілденіп қанталап тұр.

Мейірхан жолдасының осы пішінін көргенде ішінен тынып, жүдеп келіп, қасындағы орындыққа

зорға отырды. Біріне-бірі қоштасқандай болып қалың уайыммен аз қарасып отырган соң, Мейірхан күрсініп, Мақсұттың жайын сұрай бастады.

Мақсұт бәсендеп қарлықтан даусын катаитпақ болса да, шамасы келмеді. Сөзіне көбінесе сыбыр араласып, не айтқандары үгымсыз болды. Мейірхан сөзін үқлақ болып тындаса да, ешнәрсе үта алмады. Аздан соң Мақсұт шатасынқырап, сандырактай бастады. Сөзінің көбі сай күнінде істеп жүрген қызметі, оқытып жүрген сабағы, тәрбиелеп жүрген қазақтың балалары туралы. Элсіздікпен сыбырлаған шалажансар сөздерінің арасында: Балалар... жетім қала... Мен еңбек сініре... алмадым... Енді міне!.. – деп кеудесі мен ішін сипап: Өзім де екіталайдың үстінде жатырмын! – деп Мейірханға қолын созып, бұның қолынан ұстап: “Мені сөкпейсіндер ме?.. Менде жазық жоқ қой...” – деді де соның артынан қайтадан шатасты.

Мейірханның көзінде жас толы еді. Аузына жұбатарлық сөз тимеді. Ауру жолдасының көңлі үшін айтқан “Жазыласың, өлімді ойлама!” деген сөздері жасып, әсерсіз болып шықты.

Аздан соң төргі үйте Мақсұттың кемпір шешесі мен келіншегі – Қадиша кірді. Қадишаның қолында кішкене баласы бар. Екеуінің ішінде де үміт пен қорқыныш жеңісі алмай алысып тұрган сияқты, сенімсіздік білінеді. Жалғыз баласы – Мақсұттан басқа сүйеніші, тілеуі жоқ әлсіз сорлы шешесі көкірегі қайғы-шерге толып, көздері мөлтілдеген улы жасқа толып, жаутаңdap, қуат-көмек сұрағандай болып, Мейірханға қарай береді.

Мейірхан жұбатпақшы болып, тағы да бір-екі ауыз сөздер айтты. Бұлардың бәріне, Мақсұттың нашар наукасының үстіне, түйін болған нәрсе – бүтін тәңертең доктор келіп ауруды қарап: “емдеуден өтіп кетіпті, келеді”, – депті.

Сондықтан бәрінің іш құдігі қүшейіп тұрған. Шешесі үйге кіргенде Мақсұттың көзі түсіп, анасына біраз қарап жатып, артынан шыдай алмай көзін жұмып, ірге жаққа басын бұрып әкетті. Тұысқансыз, жақынсыз жалғыз қалатын сорлы анасының көрер күні қандай болатынын Мақсұт ойлағандай. Аздан соң басын қайта бұрып алып, шешесіне қарап:

– Өзгенікі – өзге-ау, сенің күнің не болады? Сені кімге тастаймын?.. Алдында өлмедің-ау! – деп, басын шайқап жылағандай болып, кемсеп-деп тағы теріс қарап кетті. Шешесі даусын шығарып жылап жіберді. Қадиша кейінірек тұрып, көзінің жасын анда-санда сығып алып тұр еді.

Осы халде біраз уақыт өткен соң есік ашылып, үйге Мақсұттың тағы бір-екі жолдасы – Жұмағұл мен Ақтай кірді. Бұлар үйдегі суретті көрген сон, біраз сөзбен аурудың жайын сұрасты да, үндемей мұңайып отырып қалды. Мақсұт ірге жаққа қарап жатып, басын бұрмай:

– Қадиша... өлмейді.. – Бірақ ол сенен туған жок... Басы көп, бай төркіні бар. Ең болмаса, соларға кетіп қалады ғой. Сені о да жылатар.

Кемпір талықсып жылап:

– Неге үйдейсің, жарығым, жалғызым?.. – деп, қатты жылай бастап еді, Мақсұт:

– Апа, жыламашы, ана үйге баршы... – деп сыбырлап: – жүрегімді көз жасын өртеп барады

гой... – деді. Мейірхан мен басқа жігіттер де бұл суретті көру қызын болғандықтан, көзінің жасы жерге тамшылап тұрган кемпірге:

– Жыламаңыз, қиналады гой... Бара тұрыныз! – деп ақыл айтты. Кемпір:

– Жарығым... жата гой... Жалғызым!.. Қарашығым, жата гой!.. Мен құрғыр кетейін, – деп ауыр күрсініп шығып кетті. Қадиша үндемей тұрып, енесінің артынан бірге шықты.

Мұндай күйге жүрегі сезімді Мейірхан қатты жүдеп отыр еді. Сорлы кемпірдің күйін ойлаマイын десе де, көnlі еріксіз ілгері қарай басып, келешектің әртүрлі суретін көз алдына елестете бастады. Келген ойы: “Максұттың өletіні рас, кемпірдің сорлы болып зарлайтыны да шын. Мына жас қатын жолдасының рухын сыйлап, бірге қайғы жеп отыра ма? Отырмайды. Бұл жөне қала қызы... Біреумен кетеді, ө?” – дегендегі ой ойлады.

Кішкене үйдің ішіндегі бұл секілді күдікті ауыр хал көп күндерге созылған жоқ. Еңсесі кеткен ауру күннен күнге төмендеп кетті. Сөніп бара жатқан шырағдан отындей бәсендей берді. Біргүні түске таянған мезгілде демалысы жиілей, кеудесіне сырылдақ пайда болды. Ауру әлсізденді, енді денесін де қозғай алмай, көзін анда-санда ашып-жұмып сұлық жатты.

Баласы бұл күйге жеткен соң, көп өлімді көзі көрген көрі шешесі жалғызынан күдер үзе бастады. Намазда күндіз-түні дүғаның орнына жалғызының атын атап, сыбырлап, жалынып тілеуден босаған жоқ еді. Бос отырғандай болып, үй іші онашаланып жалғыз қалса, көзінен үнсіз жасын ағызып, кейде кемсендеп жылап та алады. Тілек

пен қайғыдан тозған жүрегі алдында жылжып тақап келе жатқан қауіпті ойлап езіледі.

Бірақ ешнәрсенің көмегі болған жоқ. Көптен күткен қаһарлы ауыр, сұық сағат жылжып келіп жетті. Мақсұттың демі бітуге таянып, денесінен жан кете бастады. Бір уақыт аяқ-қолы мұздап, демі біткендей болды... Қасында телміріп қамап отырган жақыны мен таныстары құдерді әбден үзгендей болып еді. Сол халде біраз уақыт өткен соң, Мақсұт қайтадан ақырын көзін ашты. Көзінің қарасы жоғары шығып, аласы көбейген сықылды. Сүзілген сұық көзінде үғынып көнгендік бар.

Өз халін шын ұға алмағандай болып, сыйырлап:

— Барамын ба, жоқпын ба?.. — деп аздан соң көзін қайта жұмды. Жұрттың құдігі ұзакқа созылған жоқ. Тұсі аз-аздал суи бастап, көзі шала жұмылып, бір араға қадалып қатып қалды... Еріндерінің арасы ашылып, тісі ақсиып, бетіне өлім таңбасы басыла бастады. Кешікпей үзілді... Үй іші у шу болды... Кемпір халі бітіп, талықсып кетті. Осы халдің бәрін көз алдынан өткізген Мейірхан, Жұмагүл, Ақтайлар да шыдай алмай, бірге жыласты. Жұрттың бәрі сол күні-ақ Мақсұттың өлімінен хабарланды. Оқыған жігіттер мен қаланың басқа халқы да азаматты шын аяды. Жолдастарының көбі қайғыланып мұнайды... Жұрттың бәрі де:

— Қалада өскен жігіттің адамы осы еді, бишараның шешесі сорлады-ау! — деп, шынымен назаланғандай болды.

Ертеңінде Мақсұттың жаназасын шығаруға көп жұрт жиналышп еді. Азаматқа ақырғы қарызын

өтемек болған оқығандар, жолдастары түгел жиылышп келді. Бәрінің тұсі уайымды... Қабақтары салбыраңқы, жүдеу...

Біраз уақыт өткен соң жиылған жүрт өлікті көтеріп алышп, зиратқа қарай жүріп кетті... Зиратқа жеткен соң, ерте бастан қазулы даяр түрған, қасында үолі жаңа топырағы бар, азынаған сұық көрдің қасына өлікті алышп келді. Көп жастар көрге бір-бір қараған соң, шыдай алмай теріс айналышп кетісті. Бейіт басында бірқалпынан аумай, құтырған сияқтанып желігіп жүрген молдалар ғана. Бұлар қызылды сезген қаракұстай жанталасып жүр. Шын ракымсыз, тастай сұық адамдар секілденеді. Өліктің үстіне жапқан шапанға, басы мен аяқ жағына салған орамал шүберекке таласады.

Аздан соң Мақсұтты жалғыз қабат ақ кебінге ораған күйінде лакаттап қазған көрдің түбіне апарып салды. Бержагына бір кірпіштен соң, бір кірпішті қойып, телмірген көздерден денесін жасыра бастады.

Осы халдің бәрін де көздерімен қөріп түрған оқығандар бір-бір ауыр курсініп алышп, салбыраған пішінмен үйді-үйлеріне тарасты.

## II

Күндер өтті... Ауыр айлар да жылдай жылжып, біріндеп өтіп жатыр. Жаз келіп көк шығышп, дүние жасарған. Күн бұрынғы көркіне түсіп, қызуымен жер жүзін жандандырып қуантады. Жапырақтары жетіліп, жазғы жасыл киімін киген ағаштар бір-бірімен мың түрлі тілмен сөйлесіп, сырласа теңселіседі.

Жылы күнге қуанып-ойнап үшқан құстар табиғаттың бір түріне арнаулы мактау өлең айтып былдырлаған нәзік тілімен қошеметін көрсетіп жүр. Адамның да көнлі көтеріңкі, желігі көбейгендей... Бірақ Мақсұттың үйіне желікті дуние әлі өсерін берген жоқ. Мұнды кемпірдің шеруайыммен сарғайған жүзі, қайғымен тұксиген қағағы біргалыпта катқандай, тасқа түскен таңба секілді. Кешке шейін тыныштықта тұратын кішкене үйдің ішін күрсінгенде кеудесінен шыққан жалын өртеп кеткендей болады. Жас Қадишаны үй ішіндегі ауырлық мойнына байлаған тастай басып, еңсесін көтертпейді. Ол бұл күнде сарылып отыратын ұзак қайғыдан арылған. Жалғыз-ақ құлазып тұрған иесіз үй жетімдіктің суреті секілденіп отырған қайғылы кемпір үйге кірген сайын иығын көтертпейтін секілді. Бұл екеуінің ортасында әзірге жамау болып тұрған – Мақсұттан калған кішкене өйел-бала Жәмила... Қайғыдан кемпірдің көнлі азырақ сергіген уақытта екеуі де баланы ермек қылышп, алдарына алыш алдаңыш еткен болады.

Мейірхан бұл үйге Мақсұт өлген соң көп келген жоқ. Қашқалақтағандай.

Бұрынғы Мақсұттың жолдастарынан осы күнде бұл үйге көбірек келетін – Жұмағұл мен Ақтай. Бұлар өуелгі кезде үйге келгенде қайғылы болып отырысып, жүре-жүре үйренген соң аз-аздап әңгіме айтып, кейде Қадишаға оңашаракта күлдіргі сөздер айтып та қаралы өйелдердің көнілдерін көтеріп кететін болған:

Сонғы уақытта Жұмағұл жалғыз да болса келгіштеп, әртүрлі әңгімемен Қадишаның көнілін

қайғыдан біраз сергітіп кететін болған. Жаратылысында кү, сөзінде шынынан өтірігі көп Жұмағұл соңғы күндерде әңгімені Мақсұт жайынан айтпай, көбінесе өзі көріп жүрген жастық қызықтарын айтқыштай беретін болған. Мақсұт жайын кемпірмен ғана сөйлеседі. Оған да “жақсы бала” болып көріне бастады. Қадиша аздан соң Жұмағұл әңгімесінің артынан елегізіп қалатын болды. Әңгіменің әсері бойына күннен-кунге сіңіп бара жатқандай. Сырты қаралы болмаса, ішінде қаралы көніл таусылған сияқты. Төсекке жатқан сайын аунап, қызып үйіктай алмай жатқанда, ойын қайғы билемей, көмескі үміт пен қызу билейтін әдет болды. Ойланса – артын “ойламай, алдың ойлауы көбейді. Сол ойлар жиілген сайын тұрған үйі суықтанып, көніліне жат тартқандай бола берді. Қазіргі халі “қызықты енді көремін, өмір дәмін енді татамын!” деп сансыз үміт, сансыз киялды ойлап келе жатқанда, бір катал кол ракымсыздықпен қатты ұстап алып, әлдекандай құлап тозып, қуарған ескі моланың ішіне бекітіп тастап кеткен тұтқын адамның халіндегі көрінеді. Мұның бәрі жақында болатын үлкен өзгерістің алдындағы басқыштары еді.

Бір күні Мейірхан қызметтен қайтып келіп, төсегінде жатыр еді. Үйіне қазақша киінген жастау жігіт кірді де қолына бір кішкене хат тапсырды. Мейірхан ашып оқыды.

“Мейірхан жолdas!

Ертең сағат 12-де біздің тойға кел. Сен естіген шығарсың мен Қадишаны алатын болдым. Құдай үрып, сөзіміз осылай болып қалды.”

Мейірхан есі шығып аңырып: “не дейді?”, — деп хатты қайта-қайта оқып, тұрып қалды. Жігіт шығып кетті. Мейірхан басына тас тигендей болып сандалып, әрі-бері аласұрып жүрді де аяғында айласы құрып отыра қалып, хаттың үстіне ірі жазумен: “Бармаймын, тойың құрысын!” деп, қысқа түртіндісін қойдыра салып, отырып қалды.

Ертеңінде Мейірханның үйіне тойға бара жатқан екі жолдасы кірді. Екеуі де жақсы киінген, ак жаға салып, ііс май сепкен, тойға бара жатқандай-ақ ажарлы, көңілді.

Мейірхан бұларға: “Бармау керек. Бұл нәрсіздік. Кеше Мақсұттың тойын тойлап, бүтін — оның қатыны мен Жұмағұлдың тойын тойламақшымыз ба?” — деп еді, бірақ оған жолдастары болған жок. Олар: “Қойшы идеалист болмай! Барамыз да тамаққа тояды, кішкене ішеміз, немесі бар?” — деп Мейірханның аузын ашырмады. Біраздан соң Мейірхан да отырып-отырып кейіп, бәрі де бірге жүріп кетті.

Той қызулы болып жүріп жатыр. Жұмағұл мен Қадиша түк көрмегендей болып құлпырып кеткен. Келген жүрттың бәрі де ешнәрсе болмағандай шын көңілдерімен “Құтты болсын!” айттып, екі жастың қуанышын қызықтапты. Аздан соң ішіл алған жүрттың бәрі де мас болды, ән жыр, айғай, құлқі көбейді.

Қызып, мас болған соң Мейірхан бір кездे түрегеліп, жүрттың бәрін тоқтатып өзіне қаратып, қолына рөмке алып:

— Мен сендерді Мақсұт үшін ішуге шақырамын... Жасасын Мақсұттың аруағы! — деді.

Жұрттың бірталайы, Жұмағұл мен Қадиша қоса күлді. Бірталайы ойына еш нәрсе алмай, бірге ішіп жіберді. Мейірханды қасындағы жолдастары “тыныш отыр” деп аяғынан тартып, сөз қылыш күліп, отырғызып қойды. Мейірханның бас қарызын өтегені сол еді...

Бір күннен соң Жұмағұл мен Қадишаны қайынатасты Кондыбай қатын-баласымен түтел жиылып келіп, қырға шығарып салды. Жаңа қосылған жастар елдегі Жұмағұлдың үйіне баратаң болған. Коңыраулы тройка Кондыбайдың қакпасынан шылдыр қағып шыққанда, қарсыдағы Максұттың үйіне Жұмағұл қомағайланған көзben қарай түсті. Максұт өлген бөлменің терезесінен сорлы шешесі бұл күйді көріп, екі көзінен жасын өзендей ағызып, телміріп қарап, қадалып отырып қалды.

Жастарды шығарып салған оқыған жігіттер қалжындасып, құлсіп, бұл терезенің алдынан бөлек-бөлек болып өтіп жатыр...

### III

Майдың күні. Көк жетіліп, гул-жапырақ молайған. Жаңа шыққан ал-күрең жасыл шөппен дала жасарған. Былтырдан қалған қу шөп азайғандай, анда-санда болмаса, көзге көп ілінбейді. Оның орнын көзіргі күнде аласа бетеге, жасыл, тарлау, шашыраған жас көде, шашақталған жас сасыр басқан. Жасыл кілемнің түріндей көрікті далада әр жерге шашырап шыққан қызғалдақтың сары гүлдері көз қуантып жайнап тұр.

Үлкен таудың қолтығындағы жінішке өзек пен ұзын сайлар да жағалары сұлу көріне келіп жаңарған. Жапырағы жетілген жас қайың, өзекті қуалап өскен ұзын тоғай, тасқыны басылмай, сарқырап акқан ойнамалы жүйрік өзен, бойы өсіп бұрандап, толқынданған жасыл шалғын, өзектің екі жағындағы катарланған биік жартас, өзек бойында ойнап ұшқан жыршы құстар – бәрі жиналғанда, сайды жаңа түскен жас келіншектің отауындағы жайнатып, жасартып тұр.

Был бұл өлкенің суы да мол еді. Сонау ойда көз ұшында жарқыраған – шарасынан суы асып, айнадай мөлдіреп жатқан көл көрінеді. Жағалай жүрген мал шашырай жайылып, көл айналасын шүбарландырып жүр. Жарық құнде шаңқып көрінген ақ ауылдарды сағым көтеріп кейбір үйлер жұмыртқадай болып көрінеді. Жайлауға қарай жаңада беттеп көшкен ел Шыңғыс тауынан асып келіп, қунгейде отыр. Ауыл-ауылдың бәрі дырдуы мол, көңілді.

Қысттан мал құйлі шыққандықтан, жазғытурымғы көкке аз күн ішінде семіріп алған ат-айғыр, ту биeler осы күні міністе. Екі-үш кісінің басы қосылса – жарыс, аударыс, ат сынасу, күш сынасуды ермек етеді. Құнгейге келгеннен бері қарай ауылдың үлкендері: “Құлындар жетіліп қалды, жайлауға қымызсыз барғанның орны жоқ, енді бие байлау керек!” – дескен болатын. Сондықтан биесі бар ауылдар нокта-жіп есіп, саба тігуге катын-қалашты жиып, науқан қылып жатыр. Сол сияқты қамға Жұмағұлдың аулы да екі-үш күннен бері қарай қіріскең еді. Бірак, Жұмағұлдың шешесі Қамария, – жас күнінен

шаруақорлықты сарандыққа жеткізген, күтімділікті пайдакунемдікке жеткізген, міnezі қатты, дүниеге пысық бәйбіше болғандықтан бұл жолы науқанда да қыл-қыбырын көп шығармай, шығындармай, керек нәрселерін тез қамдал алды.

Сондықтан Әміре ақсақал бүгін ауылдың жаңындағы қөгалға жылқысын іртіп, бие байла-тып жатыр. Желі басында ауыл үйдегі көрши-қолаңы, кедей-кепшік болмаса, басқа ауылдардан келген бөтен қыдырмашылар жок. Әміре шығын шығаратын қошеметшіні жек көреді, бұл міnezін білетін ағайын мұның істеген науқанда-рының қебіне келгіш болмайтын.

Қыс бойы құрық көрмей асаусып қалған ірі жылқылары да, араларындағы асау құлындар да желі басына тұрмай шұбырып журе бергендіктен ақсақал әуелі қашаған-биелердің құлынын ұста деп бүйрық берді.

Ыңғайлы жінішке құрыққа мықты бауды та-тып алып, жылпос жылқышы топтанып ығысып келе жатқан көп жылқының ішінде қақтығып жүрген құлындарға нұсқаған сайын құрығының бауын дәл түсіріп, жас құлындарды бірінің артынан-бірін шынғыртып, тулатып, ұстап байла-тып жатыр.

Құрық көрмеген асау құлындардың кейбіреуі құрық тартқанда аспанға шапшып шынғырса да, жылқышының мықты қолдарының қайта серпіген екпінімен шалқасынан түсіп, тыптырлап қалады. Әміре құлын жығылған сайын: “бісміллә!” деп орнынан ата жүгіріп, жылқышыға: “мертіктіріп алма!” – деп құрак ұшып жүр.

Бие тегіс байланып болған кездे ауылдағы қатын-қалаш бұл елдің бұрыннан келе жатқан

ырымын істеп, үйден табақقا салып құрт-май алып келді.

Әміре үйірі мол айғырларды ұстасып алып, сауырларына айран жақтырып қоя беріп, желі басына топталып жиылды қалған жүрттың ортасына келді. Жас-кәрінің бәрі де қатындар әкелген құрт-майды жабырласып жеп жатыр.

Аздан соң желі басында отырып, жүрт бір-екі

күннен бері қарай естіп жүрген әңгімелерге көшті. Бұл әңгіме қалада Жұмағұлдың қатын алғандығы

жайынан еді. Қаладан бұл ауылдың өзіне келген

әлі анық хабар жок. Бірақ басқа бір ауылдарға

келген қалашылар: “Жұмағұл қаладағы Қондыбайдың қызын алды. Жасау-жабдығы барынша

мол көрінеді. Бұрынғы күйеуі өлген көрінеді,

содан қалған кішкене қызын да Жұмағұл қолына

алыпты. Өлген жігіттің бір кемпір шешесінен

басқа жақыны жок, бір басына бай жігіт екен. Қалада көк шатырлы үйі бар білем. Енді мына

кішкене қызды алған соң, сол өлген жігіттің қалған мүлкіне Жұмағұл ие болады деген сөз бар.

Қыздың әкесі Қондыбай “қалған мүлікке менің, қызым ие болады” деген сөздің шет-жағасын шығарып та жүрсе керек. Сонымен Жұмағұл “бірақ күнде дүркіреген бай болып шыға келгелі тұр” деген қуанышты хабар дүнкілдеп Әміре ақсақал мен Қамарияға естіле бастаған. Бұлар қуаныш өрекліген кісінің мінезін көрсеттейміз деп, ішінен “шүкірана” қылып, сырт кісінің бәріне:

— Е, алса — алсын байдың қызын! Ол немені біз оқытқанда, “ылғи бізден шығын шығара бер, кемпір-шалдың қолындағы азын-аулағын тауса бер” деп оқытып па едік?!” “Мал тап, бізді

асыра” деп оқытқанбыз. Осы күнге шейін қара тыны табыс тапқан жок. Енді қашан көмегі тиеді бізге? Бұдан былай мал таппаса, үйге де жолатпайық деп жүр едік. Соны естіген ғой! – десіп, іштегі жұбаныштарын сыртына монтаны қуйініштің сөзімен шығаратын. Қазірде де желі басында отырған жүрт:

– Жұмағұл келіншегімен бір-екі күнде келеді; солар келгенше, қымызды ашытып қою керек. Бұлар бұл жолы сый болып келеді, күту керек! – десе, кейбіреулер:

– Анау өлген жігіттің дүниесіне ие болып отырған – жалғыз ғана кемпір, оны да ала келсеші! Кемпірге басын күтетін кісі болса болмай ма, оған енді дүние не керек? – деген сөздерді де айтysа бастады. Қамария ешкімге айтпаса да, бұрын ішінен ойлад жүрген есебінің бірі осы болғандықтан:

– Кемпірге менің баламнан артық бала бар ма? Жұмағұл оны асырап-сактауға жарамай ма, тіпті қолымда тұрсын десе, қолына-ақ берейік Жұмағұлды. Ол кемпірі ақылды болса, енді Жұмағұлды бауырына тартуы керек емес пе? – деді.

Әміре бұл сөздің жарыққа шығып, көп жүрттың талқысына түскенін жаратпайды. Сондықтан өншейінде көп қарсы келмесе де, Қамарияны тоқтатып:

– Қойшы, қатын, күнібұрын жоқтан өзгені сөйлей бермей, құдайдың бір жазғаны болар! – деді.

Қырдың дағдылы салтынша қын сөздің бәрін жарыққа шығарып, оңай сөз қылып сөйлеп

отыратын машиқпен кәзіргі жиылып отырған ерек-үрғашының бәрі де Әміре мен Қамарияның біріне-бірі айтпай, ақырын құпия қылып ойлаپ жүрген жайларының бәрін қоныраулатып, сыртқа шығарып отыр. Бұлардың көз алдарына үлкен байлықтың, салтанаттың да қызықты суреттерін елестетті. Бірақ ішінен тақыс есебі арылмайтын Әміре көрші-қолаңның бір жағы – тілеуlestік, бір жағы – қошеметшілікпен айтып отырған сөздеріне көп желікпеді. Ол сыртына сөз шығармай, жүргттың барлық сөзін үндемей тыңдалап отыр.

Осы ретте желі басында бірталай уақыт өткізген соң, жұрт біртіндеп тарай бастап, аяғында, бәрі де үйлеріне қайтты.

Арада біраз күн өтті. Күн кешкіріп батуға тақалған уақыт еді. Әміре құдық басында тұрып, кешкі суға келген жылқыны суартып, алдын солтүстік жақтағы ащылы ойға шығартып тұр. Ауыл жақта жаңа жамыраған қозылар у-шуымен дүниені азан-қазан қылып, жаңа ғана қорадан өріп барады. Қамария қой сауып келген қатындарға әмір қылып, есік алдында тұр еді. Қасына қозышы бала шауып келіп:

– Шүйінші-шүйінші, апа! Жұмагұл ағам келіп қалды, – деді.

Бұл сөздер естілген жерде ауылдағы барлық жан үйкі-түйкі болып, әбігерленіп қалды. Жұмагұлдың келуін асығып күткендері барлық карбаласынан білініп тұр.

Әрлі-берлі жүгірісіп сенделген қатындар; шулап секіріп, қуліп-ойнаған балалар; құдық басынан жаңа хабарды естіп, ауылға қарай жылдамдатып келе жатқан үлкендер – барлығы да

Жұмағұлдың келуін үлкен қуаныш қылған сияқты. Жолаушыларды күткен ауылдағы барлық ерек, барлық қатын-қалаш Әміренің үйінің сыртына шығып, екі жаққа жарылып тұрганда, ауылға жарты шақырымдай жерде қатты жүріп келе жатқан коңыраулы тройка көрінді. Ат басын ұстаған жігіт жолаушыларды қарсы алуға шықкан топты көріп, бұрынғысынан да екіленіп алып, тер басқан үш қоңыр атты бишігімен ығыстырып, шаптырып келеді. Бірін-бірі көруге асықкан жақындардың шыдамсыздығы үзакқа созылған жок. Аттардың тұмсығы Әміренің үлкен ақ үйінің сыртына келіп тірелді. Жолаушылар арбадан түсіп болғанша, сағынған жақындар Жұмағұлдың бетінен сүйіп алды. Аздан соң әйелдердің бәрі де Қадишаны жағалап, Қамария сияқты үлкендері оның да бетінен сүйісті. Біраз сөзben амандық айттысып, хал-жай білген соң, жүрттың бәрі үйге кірді. Сөйлесіп, хал білісіп, арасына қалжың да араласып, күлкі-кубір-басталған соң, жақындардың қуанған, сағынған, лұпілдеген жүректерінің бәрі орныға бастады. Жұрт біріне-бірінің көзі қанып үйреніскең сайын, жана келген жастар мен ауылдағы барлық жандардың арасындағы аз үйлеспегендік сезіле бастағандай болды.

Ауылға келерде жазға лайықты барлық таза жақсы киімдерін киіп алып шытырайған жастар қаланың халқына ұқсап, қырға бөтен кісі сияқтанды. Керек десе, Жұмағұлдың сөйлеген сөзінде де “сіз-бізі” көбейіп қалған жат адамның қалпы байқалғандай. Бұл үйлеспегендік әсіресе келін жайына келгенде айқынырақ сезіліп тұр. Келіннің келген жердегі ата-енесіне “сөлеметсіз бе?” деп

амандасуынан бастап, үйге кірген соң төр алдына қүйеуінің қасына отырып, мүйнет сайын онымен сыйырлассқаны да қыр тұрмысында ешуакытта болмаған бір өрескелдікті танытқандай болды. Келін затында, өзі оқып үлгі алып, оқымыстылардың қатарына кірген кісі болмаса да, қала-дағы мұғалімнің қатыны болып ашылып қалған-дықтан, сол оқымысты жүрттың үлгісін машық еткен еді.

Казіргі сағаттары үйлеспегендік жаңа келген жастарға соншалық көп байқалмаса да, ауылдағы үлкен-кішінің бәріне де тез сезілді.

Мұндай күйге сезімдірек болып тұратын әйелдер өуелгі жерден-ақ құнқіл сөз шығарып, тысқа шыққанда біріне-бірі сыйырлап құлісे бастады. Үйдегі еркектің бірталайы байқамаған кісі болып сыр білдірген жок, кейбіреулер ғана құліп жүрген қатындарды қағытқан болып, қалжыңмен өздерінің ішіндегі жайларын да сыртқа шығарынқырап қойысты. Бұл күйдің бәрін, түтел болмаса да, шет-жағалап сезіп отырған Әміре казакы көңіліне ұнамсыз бірдеме тигендей болып, көп сөйлемей үндемей отырып қалды. Бірақ Қамария екеуінің де түпкі көңілдегі күдіксіз бір жұбанышы бүтінгінің болымсыз кем-кетігін ұмыттыратындей. Сондықтан анау-мынауға қарамай-ақ Жұмағұлды сүюден, сыйлаудан қайтпаған.

Осымен алғашқы келген жердегі азғана ал-шактық көп уақытқа созылған жок. Бес-алты қун өтіп хал-жайды біліскең соң, бала мен өке, келін мен ене бірін-бірі әбден таныды. Шаруа жағындағы кейбір жұмыстарға келгенде, бірін-бірі жалғыз ғана емеурінмен де ұғысатын болды.

Бұларды біріне-бірі соншалық, тез жақындастырып жіберген себеп не? Ол – кәзіргі бұлардың алдында тұрған үлкен мәселе: мал-мұлік, дүние мәселесі ғой. Соған келгенде, бәрінің де міnezі, ісі түтелімен бір жерден шыққандығында. Малды сүйген қомағайлыққа, сарандыққа, канагатсыздыққа келгенде, жас келін көрі енесінен асып түсті: жас жігіт оқыған десен де, көрі әкесінен асып түсті, заты, міnez бірлігі “жас-көрі”, “оқыған-оқымаған” деген айырмыстарға қарамай-ак, бұл адамдардың басын қосып, бірін-біріне үйлестірді. Арапары мұндай күйге жеткен сон, әрқайсының ойында жасырын күйде жүрген сөздер ашық, айттылатын болып, жарыққа түсе бастады. Қамария екі күннің бірінде:

— Шығынымыз көп, кемпір-шалдың қолындағы мал таусылып барады, көздерінің қырын салатын уақыттарың жетті. Қайдан болса да — мал табындар! — деген сөздерді енді баласы мен келінің күлағына сініре бастады.

Келіні әкелген жасау-жабдық басында үлкен олжа көрінсе де, аздан соң ұмытыла берді.

Енді бұлардың бәрінің көңіліндегі бір-ак арман — қаладағы кемпір қолындағы мұліктің басын ашуда. Жұмағұл мен Қадиша бұрын бұл жайдан көп сөйлестейтін болса да, қырға келген соң үлкендерден ашық сөзді үйреніп алып, онаша жерлерде ақылдасып, айла іздейтін болған. Қамария балалары ешкімге ақысын сінірмейтінін білген сон, бұларға “пәлен-түтенді істе” деп ақыл айтуды қойды. Бірақ ұмытпасын дегендей ғып, кемпір қолындағы мұлікті әр күнде бір рет неғылса да сөз етіп қоятын. Мұны ашық сөз қылуга

сылтау таба алмаған күнде Мақсұттың кішкене қызы Жәмиләні алып, соған сөйлеген болып:

— Дүниеге қашан ие боласың? Біздей кәрі әкешешене қашан көмегін тиеді? Кемпірдің қолындағы мал-мұлікті жиып ал! — деп Жұмағұл мен Қадишаның қулактарын бұрап қояды. Әміре бұл жақтағы әңгіменің көп теріске кетпейтін түрін анғарған соң, соңғы кездे мал құраудың екінші бір ебін ойлай бастаған. Ел ішінде Әміренің өзімен жасы тұрғылас Жанғазы деген ірі бай бар еді, соған кішкене Жәмиләнің бас-аяғы ұнап кетіп, далада бірге келе жатқанда Әміреке сөз салыпты:

— Мына баласын менің былтырғы тұған кенже балама атастырып қояйық, соған ырзалағын айтсын, — депті.

Әміре бұл сөзді өз басы макұл көріп Жұмағұлға келген соң, Жұмағұл:

— Әзірше мұндай сөзді шығарудың орны жок. Мен біржолата жаманатты боламын. Және ертең кемпірмен сөйлескендеге де: “осы жетім баланы жыллатпаймын, берсөң – соның есесін бересің” – деп сөйлескелі отырмын. Бір жағынан – соны айтып отырып, бір жағынан – өзіміз сатып отырсақ, ел-жүрттан үят қой!” – деді.

Әміре Жұмағұлдың әзірше көнбейтін түрін байқаған соң токталды. Бірақ баласына:

— Жұрты құрғыр кісіге жақсылық ойлаушы ма еді? Сен мал тауып байып бара жатсан, көре алмайды. Өнебойы жүрттан қорқамын деп, сыбағаңнан құр қалып журме, арсыз болмай – абырайлы болмайсың дегені – деп, өмір бойы айтып көрмеген өсиетін баласына енді айта бастады. Бірақ аксақалдың әуелгі қозғаган әңгімесі

көңілдегідей шешілмеді. Ең жақын болғанда, бір жылға шейін тоқтай тұру керек болды.

#### IV

Жастар қырға келгеннен бері екі-үш ай өтті. Жаз ортасы ауып, жұрт егін-пішенге қам қыла бастаған. Дала сарғайып жүдеу тартқан.

Жазғытұрымғы жас істі жасыл шөптердің орнын сары селеу мен қатаң тартып қуарған ақ көде басқан. Жайлаудағы жақсы қоныс, мол құдықтардың айналасын тоздырган ел бауырдағы күзекке қарай көше бастады. Әміре ақсақалдың аулы да көп елмен бірге бауырға қарай көшіп келеді.

Жұмағұл мен Қадиша жаздайғы құрган тұрмыстарына әбден ырза еді.

Жазғытұрым қаладан азын-аулак жүдеу тартып келсе, осы күнде екеуі де оналып семірген. Оның үстіне: ауылда да, жалпақ ел ішінде де жүрттың бәріне қадірлі болып, қайта-қайта қонактап, ойын-жыыннан босамай, уақытты қөнілді өткізген. Енді бұлар қырдың қызықты уақыты өтіп барады, қалаға қайту керек деп сөз байласып, аз күндерде жүрмекші болған.

Бір күні кешке жастар жүрердің алдында сөзді бір жерге байламақ үшін, үй ішінің азғана кеңесі болды.

Бауырға қарай ығысып көшіп келе жатқан ел жаппалап қонған еді. Ай жарық, тұн желсіз тынық. Әр жерге шашырай, үйме-жүйме болып қонған жаппалардың даладағы оттары жарқылданап көрініп тұр. Жер ошақта кейде – жалпылданап, кейде – лаулап жанған оттар тұннің қалың үйкисынан қалтаң қағып, алысып тұрғандай.

Жұмағұл мен Қадиша өздерінің оңаша күркелерінің ішіне салған құс төсектің аяқ жағында біріне-бірі сүйеніп, катар отырып, шаруа жайын сөз қылысты. Аздан соң әңгіменің аяғына Қамария да қосылды. Өзге әңгімелердің ішіндегі ең күдікті қыын сөз Мақсұттың қалған үй мен мұліктің сөзі болғандықтан, Жұмағұл бұл турасынан көзір де ашып ешнәрсе айтпай, көп үндеңей отырып қалды. Бұл уақытта Жұмағұл жаратылышындағы тақыстық құлығына салып, бойын бағып отырды. Бірақ өзгелердің сөзін тоқтатқан жок. Қадиша мен Қамария бірін-бірі қостап, мұлік турасынан айтылатын сөздің бәрін айтысып шықты. Бұлардың өз ойынша даусыз деп байлағаны: Мақсұтта жақын туысқан жок, қалып отырган кемпірдің төрінен де көрі жуық. Оған өле-өлгенше сыйлап, күтіп отыратын кісі болса – болғаны. Мұліктің ендігі иесі – кішкене Жәмилә. Сондықтан әзірше қай жолмен болса да ізденіп отырып, үй мен мұлікті Жәмиләнің атына аудартып алу керек! – деп сөз байласты. Осымен үй ішінің кенесі бітті.

Елде қалған Әміре, Қамария осы сөзді байлауғылып ұстап қалды. Қадиша мен Жұмағұл қалаға барған соң ізденбекші болып жүріп кетті. Аз күндер өтті. Қырдағы сейілден қайтқан екі жас қаладағы құрбы-құрдас, ағайын-туысқан ортасына қайта келді. Сағынған қайын жүрт жолаушыларды қуанышпен қарсы алды. Қадишаның төркініне түсті. Қадиша мен Жұмағұл қаладағы таныстарының хал-жайларын сұрасып білді.

Тағдырдың тұтқынына түскен қаралы кемпір де Мақсұттың орнында әлі күнге қалқып отыр

екен. Оның да жай-жапсарына әбден қанысты. Кемпірді Қадиша тастап кеткен соң, жар дегенде жалғыз жақыны – бір аксақ бауыры бар екен: соны қасына алып қолғанат қылыш, қайғылы өмірінің ақырғы күндерін баяғыша бірқалыпты жылаумен өткізіп отыр екен. “Жұмағұлдар келді” дегенді естіген күні түні бойы үйінде шамын өшірмей зарлап отырып, таңды қөзімен атқызыпты. Қадиша келгеннен кейін, Жәмиләні көтеріп барып кемпірдің үйіне қіріп шықты. Барған жерде кемпірдің зар қағып жылағаны, Жәмиләні баурына тығып, құшактап қысып, Максұтты жоқтағаны Қадишаның қатып қалған көңілін жібіте алған жок. Оның бұл үйде көп отыруға іші пысып, кемпірден тез жалығып, үйіне қайтқысы келді. Сондықтан аз отырган соң баласын көтеріп қайтып келді. Кондыбай Жұмағұл келген соң:

– Енді уақытты босқа өткізбей, таныс жолдастарыңа сөйлесіп, ана дүниелерінді жиып алындар! – деп ақыл берді.

Сонымен Жұмағұл мен Қадиша іске кірісті. Бұлар әр жерге барып сұрастырып ізденіп жүріп, аяғында оку бөлімінің жанында жас баланын қамын жейтін кеңсені тауып алып, соған арыз кіргізді. Кеңсе қызметкерін жаңылдырып, тез милендиду үшін Жұмағұл бір жайды кептіріп, екінші жайды шөмейте сөйлеп, есебін тауып жүр. Ақыры, бұл кеңсе Қадишаның арызын қарастырып, аяғында, Максұттан қалған дүние-мұліктің бәрін де “жас баласы – Жәмиләға ауысады, содан басқа ие жок, ол ержеткенше “опекун” Жұмағұл болады” деп бүйрық берді. Қадиша мен Жұмағұлға бұл жұмыстың тұсында өзге жолда-

тарымен бірге көмекші болған Ақтай еді. Ол Жұмағулмен бар сыры, барлық ісі аралас болғандықтан, енді бұлардың бай болып қатарға кіруіне тілеуlestігін көрсете бастады.

Ақтай, бір уақытта Қадишаны Жұмағул алуға өзі тілеулемес болса да, жаздығұні қырдан келген ағасынан: “-Қондыбайдың қызынан артық кімді алушы едің? Соны алып мал-мүлкіне ие болмай, бос сандалып жүрсің. Есеп білмейсің! Сенен Жұмағул озып кетті...” – деген сөгіс естіген уақытта шынымен өкінгендей де болып еді. Бірақ уақыт өтіп, іс орайлы көзінен кетіп қалғандықтан, енді өзіне Жұмағулдарға тілеуlestікті лайық көрген. Көзіргі уақытта аналарға көмекші болуының себебі сол еді.

Қадиша оқу бөлімінің жоғарыда айтылған бүйректы алып келген соң, кемпірге Қондыбай кісісалып:

– Құдайдың уақыты осы. Жалғыз өзі бір үйде құлазып отырғаны лайық емес. Ана үй-мүлкін Жұмағул мен Жәмиләнің атына жазғызып, өзі солардың колына кірсін! – деді.

Кемпір бұл сөздерді естігенде басына Мақсұтың өлімімен тең қабат қаза келгендей болып, аузы күбірлеп жалбарынып, жағасын ұстады. Баласы өлгеннен бері қарай бір күн болмаса, бір күн көремін-ау деген зорлық, жетімдік жаңа ғана көз алдына бетпе-бет келгендей болды.

Бірақ Қондыбайдың сөзін әкеліп отырған Дүйсен бұның қайғысын үкпайтын сияқты. Сол, түрін байқаған соң, кемпір бар қуатын жиып альпі:

– Мен баламнан, кешегі байымнан, арғы атабабамнан қалған мүлікті – туған емес, туысқан

емес, дұспан болып отырған Жұмағұлға неге беремін? Менің балам жоқ болса да, ағайыным бар, Жұмағұл сияқты жатқа кеткенше, соларға кетсін! Үрзалығыммен бір сабак жіп бермеймін. Курап калған сорлы кемпірге зорлық қылмақ болыпсындар ғой, көптіктерінді істей беріндер! – деп, Дүйсенді үйіне қайырды. Бірақ Қадишаңың ұлықсат әкеп отырған бүйрығын естіген соң, және өзінің көмексіз жалғыздығын ойлаған сайын, кемпір есінен адаса бастады. Көріне зорлық-қиянатты сезіп тұрса да, не амал ғыларын білмеді. Аяғында құдайға жылап- жалбарының; “ah” ұрып отырғанда, есіне баласының бұрынғы жолдасы Мейірхан түсті. Сол күні қасына ақсақ бауырын ертіп алып, кемпір Мейірханға келді, жылады. Бәрін айтты. Қадишаңың қалған есесі жоқ, Жұмағұлға тиерде төркінінен әкелген барлық мүлкін алып кеткенін де түгел айтты. Баласының достығы үшін жалбарынып, Мейірханнан ақ ісіне көмек сұрады. Зорлықтан қорға деп тілек қылды. Мейірхан дағдылы көңілшектігі ұстап, кемпірдін сезіне ергендей болды. Зорлыққа ара түсуге уәде қылып, ерте Жұмағұлмен де, басқалармен де сөйлеспекші болды. Кемпір жетімсіреген көңіліне болымсыз сүйеу алғандай болып үйіне қайтты.

**Ертеңіне Мейірхан Жұмағұлға жолыбып:**

– Шіркін, адамшылық қарызы деген бар емес пе? “Оқыған” деген атың қайда?! Пысық жігіт болың, тегін қатын алдың, үйінен әкелген мүлкін алдың. Өзің де кедей емессің, қатыныңың төркіні – қаланың үлкен байы. Кішкентай қыздың шығынын көтере алмаймын дедің бе? Неменесіне өлгелі отырған кемпірді жылатып,

кешегі жолдасын – Максұттың аруағын күніренттің? – деді.

Жұмагұл бұл сөздің бәрін Мейірханның іші тарлықпен, қызғаншақтықпен айтып тұрған сөзі деп санады.

– Бұл жұмысты істеп жүрген мен емес, Қадиша. Мен оны тоқтата алмаймын. Және мұндай болымсыз жұмыс үшін арам дейтін болсан, айтып қой, сені біз сынайтын да кезек келер! – деп қыр көрсетті. “Оқыған азамат”, “жаңа адам” дегені тек оқыған бай, арсыз дүниеконың екенін жаңа үққан Мейірхан қатты ширығып:

– Байдың баласысын, бай жесірдің байысын, бай қайынга күйеусің... Оқығаныңа емес, тоқығаныңа бақтың ба? Жыланға түк біткен сайын қалтырайды деп, байыған сайын араның ашылып, жұтпақсың ба зарлыны?!. Қакаларсың әліак!.. – деп салды.

Мейірханның бұл сөзі де Жұмагұлға қонған жоқ. Ол “заң бойынша” іс қылатын болды. Мейірхан сұлдері құрып, жолдасынан түршігіп түңіліп қала берді. Бұл әңгіменің артынан Жұмагұл, Ақтайлар сол күні-ақ “Мейірхан қызғаншақтық қылып жұр” деп, сөзге таңа бастады. Кемпір Жұмагұлдың ниеттерін естіген соң, бірекі күннің ішінде күйікті ойдың салмағынан езіліп бөлекше ауруга ұрынды. Есі ауып қалып, шатасып сандырактайдын әдет пайда болды. Өншайіндегі момын жүзіне бұл күнге шейін көрінбеген ашу шыққандай болып, көзі ылғи бірақ жерге қадалып, бет ажары сұықтанып, қайтақайта орнынан ата жүгіріп, үй ішіндегі әрнәрсені үстап:

— Бермеймін, бауыздап кет мені... Ертең... кетемін... Мақсұтыма... апарып беремін! — деп жүлкышып, әрнәрсені бауырына тығып, арпалысып шатаса берді.

Сол күні кешке кемпірдің дүниені бермеймін деген сөзін естіген Жұмагүл қолындағы бүйрек қағазды милицияға алып барып, содан үш солдат алып, Мақсұттың үйіндегі нәрселерді алуға кемпірдікіне келді.

Кемпірдің шатынап, бұзылып отырған көзі мылтық ұстап келіп тұрған солдаттарға түскенде: орнынан жылдам тұрып, акырын тәлтіректеп барып, әлі кеткен қолдарымен төсектің басынан ұстап:

— Бермеймін... Өлтір... Өлтіріп кет... Өлдім... Мақсұт... құтқар! — деп сылқ, етіп шалқасынан жығылып қалды. Жұмагүлдар төрге шығып, бұның қасына келгенде: кемпір бойы сіресіп, көзі жұмылып, жақтары тістесіп үзіліп барады еken.

Тағы бірер секөнт өткенде кемпір демі бітіп үзілді.

Жұмагүл, Қадишаның мұраты орнына келді...

---

**ҚЫР ӘҢГІМЕЛЕРИ**

## *1. Сыбанның моласында*

Ел Көксенгірдің күнгейінде. Жайлауда жиын отырған көп ауылдың кешкі жылқылары суга келіп шығып, алды өріске кетіп бара жаткан мезгіл еді. Жаңа жамыраған қойлар дуниені у-шу қылыш мазаны кетірген соң, біз ауыл иесі Жортар ақсақалмен әңгімелесіп, құдықтың желке жағындағы тастақ төбенің басына таман аяңдал келе жаттық.

Оңтүстік жақ жазықта жапырлап отырған көп ауыл айналасында шұбыртып қыбырлап жүрген малдарымен бірқалыпты жасыл даланың түсін түрлендіріп, көз қуантып тұр.

Кек жиектен асып бара жатқан күн ақырғы алтынды шүғласымен дағаға көрікті нұрын төгіп, ауылдың кешкі қызулы өмірін қызықтандырып түргандай. Төбенің басына таман көтерілген сайын, біздің көз алдымыздагы көрініс суреттің ауданы кеңейіп, қыр өмірі өзінің ең дырдулы шағын көзге көрсеткендей болды.

Даладағы мөлдір таза ауадан, сүйкімді суреттен көңілге белгісіз бір үміт кіргендей болады, хиял кезеді. Көнілдің осы шағына не үйлесер еді деп ойлап келе жатқанда, көnlіме бұрыннан есте жүрген бір нәрсе түсті. Ол — қасымда келе жатқан Жортар ақсақалдың ерте замандары басынан кешірген бір әңгімесін тындау еді. Жортар жас шағында осы ортанның айдынды колбасы, батыры болған. Ол кезде маңайдағы ел атағынан шошиштын. Тыным-тыныштықты білмеген; барымта, соғыс десе — алағызып колды-аяққа түрмайтын

қызулы жас болыпты. Жортар мықтылық, батырлығының үстіне, ауызға ілінген найзагер болды десетін. Бұл сыпаттың бәрін мен бұрыннан естігенімнің үстіне, сол батырдың шал болып қартайған түсін көргенде, ұзактап алысқа кеткен ескі күннің қемескі түсі елестегендей еді. Сүйекті зор денесі апсағайланып, ұлken басы, келбетті түсі салқын сабырмен маңғазданып туыстары ірлігін бір көрген кісіге де білдіргендей. Көп бейнет, көп жылдардың ізіндегі болып, бетіне түсken қатпарлы терең әжімдері ескі тентек күндердің таңбасы сияқтанады.

Ұзақ жолда ыстық күннен онғандай болып сарғыш тартқан отты көздері, ұлken құлақ, кесек мұрны бұл адамды ескіліктің тірі қалған белгісіндей көрсетеді, Жортар ескіні шын сарқыты деседі. Қасымыздағы екі-үш кісімен дөң басына келіп отырған соң, көңілге алған тілекті айттық.

Аксакал басында әдепті жылы шыраймен: қарғым, көрінгеннің көбі қемескі тартып ұмытылып қалды кош, — еске түседі деймісің? — деп аз отырды. Артынан қасымызда отырған Құдайберген аксакал: “Айтып бер бір әңгіменді балаларға, енді бізге әңгіме айт, көнбей басқа не қалды?” — деп күлген соң, Жортар аксакал бар әңгімесін айтпақшы болды, Батырдың үгымды шешен тілмен айтқан әңгімесі мынау еді:

— Сендерге мен көрген соғысымды, ұрыс, тәбелесімді айтпай-ақ қояйын, — деп бастап келе жатып, сары шакшасын суырып: — Өзімнің бір қатты қорыққан жерім болды, соны айтайын, — деді.

Біз тыңдауға ынғайланып, батырдың салқын жүзіне телміріп: “Айтыңыз, айттыңыз!” — дедік.

— Өздеріндегі жас шағым еді — құлағы көрініп, аты естілген пәле болса, іздең барып соқтығатұғын. Ол кезде “көп қолмен” көшкен елдей шұбатылып кім жүреді дейсін? Ұзақ жорық болса да, көбінше жалғыз-жалғыз аттанатұғынбыз. Аз жүрсек — ай жүреміз, алта жүреміз кейде талай айға шейін жоғалып та кетуші едік. Жортұылға шыққанда көбінесе баратынымыз — Керей болатын. Тарбағатайдан асып барып, Қара Керейді, Семіз Найман — Мұрынды торимыз.

Бір жыл күздігүні сол жаққа қарай аттандым. Қараашаның кезі еді. Өрге қарай жүріп, Сыбаның ішіне жеткенімде сол елдің бір Төбет деген батыры есіме түсті. Менімен кездесуге ізденіп жүр дегенді алдында естігем;

Далада ұзак жүріп еріккен соң, қалап шыққан жауым ол болмаса да, бір шайқасып кетпек болып, бір тұнде соның аулының тұсына келдім.

Сол жылы күз жаңбырлы болған. Түстен бері қарай бір мазасыз жауын дамыл алмай құйып түрган. Кеш батқан соң күн ашыла ма деп едім — ашылмады. Оның үстіне бір қара сұық жел шығып, гүлдеп соғып, мазаны кетіре бастады. Тұн көзге түртіп алса — көрінбейтін тастай қаранды еді.

Бірақ бір қасиетім — қыскы ат құлағы көрінбейтін ақ боранда, жазғы тұнжыраған менреу қара тұнде адасу дегенді білмеуші едім. Ізdegен Төбеттің аулының тұсына дәл келген екем. Аласұрып үйтқып соғып түрган жел даусымен бірге сол жел жағымда алыста жатқан қалың жылқының сарынын естідім.

Астымда есік пен төрдегі ақ боз атым бар. Өзі алысшыл, төкпеттеп шабатын мықты жылқы еді.

Шуу деп салғанда кібіртіктеп шаба алмайтын. Әрберден сон, үшқыр жылқының бәрі жетпеуші еді. Әлгі атым қатты жаңбырдан жиреніп, жөндеп жүрмей, ығысып келе жатыр еді. Бір мезгілде осқырып тұра қалды. Аттың жалына жатып қарасам, – алдында бір қарайған тұр екен. Біраз жүріп қасына келдім, қарасам – төрт құлақты бейіт.

Бір Сыбаннның моласы болса керек. Әлгіге келгенде өзімнен, бір жағынан, сұық жел өтіп; бір жағынан, су өткен сон, жаңбыр айыққанша осында тұра тұрайын, күн ашылған сон, Төбетті тауып алармын деп аттан түстім де, жетектеп бейіттін, аузына әкеліп, ыққа қойдым.

Шылбырды беліме байлап, өзім моланың ішіне кіріп, төрдегі бір бұрышына барып отырдым. Бейіттің іші тастай қаранды: көзге түк көрінбейді. Жел гүілдеп соғып тұр. Жаңбыр да басылмайды: сыйырлай жауып тұр. Бейіттің ішінде біраз отырып бойым жылынған сон, қамшымды жерге тіреп, соған екі қолыммен сүйеніп, басымды қойыш отыр едім – қалғып кетіппін.

Алдында бейіттің іші тіпті кап-қаранды болып, көрдей азынап тұрган сон, алғашқы кірген жерде кішкене етім сескеніп еді. Артынан көзіме бөтен ешнәрсе көрінбеген сон, тынышталып отырдым. Бұрын әркім сондай кезде бейітті жерде жын-пері, жестырнақ дегендер кездеседі дейтүғын.

Бірақ ол жерде бұның ешбірін де ойыма алған жоқлын. Сөйтіп отырып көзім ілініп кеткен екен – бір мезгілде маған қарсы бір бұрышта бір нәрсे тырс еткендей болып еді, қал-қаранды мен-реу болып тұрган бейіттің іші жаркырап кеткен

сияқтанды. Өзім ондайда сергек үйіктаушы едім, көзімді ашып алғанда үйқым шайдай ашылып кетті.

Әлгінің не пәле екенін біле алмадым, жүргіме корқыныш кіре бастады. Бір – ойдан, бұл мені айналдырып жүрген шайтан ғой деп ішімнен білген дүғамның бәрін оқып отырмын. Дыбыс шықкан жаққа барып, жөнін білуге де дәтім шыдамады. Төменшіктеп бүккәндай болып, көзімнің астымен қарап едім, – қараңғы бұрышта бір тіпті үлкен нәрсенің қарауытқан нобайы көрінген сияқтанды.

Бұрынғыдан да шошынып, не қыларымды білмей, отырып калдым. Сол күнде бір азғантай отырған соң, бір мезгілде әлгі тырс еткен дыбыс тағы шықты. Бейіттің іші әлгіден де жарық болып кетіп артынан бәсендегендей болды. Алғашқы кезде қарауға дәтім шыдамай бұғып қалып, артынан бәсендеген соң, сол жаққа көзім түсіп кетіп еді: құдай көрсетпесін – көзімे өзінің бұрын түсін көрмеген, атын естімегең бір пәле көрінді.

Алғашқы көрген кезде “жалмауыз” дедім. Нобайы адамға үксамайды. Қап-қара, тырдай жалаңаш. Бойы еңгезердей үлкен, биіктігі кісі бойы – қолсұғымдай, шашы бұркырап түр. Көзімे түскен әсіресе қорқынышты жері – аузы. Ырсиып от болып, тістері ақсиып сойдиып түр екен. Ауынан кәдімгідей от бұркіп түр.

Әуелгі қараған жерде өзге ешбір жері көрінбейді. Қараңғы бұрышта қып-қызыл от болып жанып түрған ырсиган аузы, ақсиган тіс қана көрінгендей болды. “Жалмауыз, не айдаһардың аузы” дедім.

Зәрем кетіп қалды. Сөздің шыны керек, тұрайын десем, буынымды баса алатын емеспін. Тағы екі рет тырс етіп, жарқ-жарқ етті. Бір жолда ақырын қарап едім, тағы да от болып тұрган ауызды көрдім.

Енді ол жакқа қараудан қалдым. Жердің тесігі болса, кіргендей боп басым төмен тұқырып өзім бұғып, бір орнымда қатып қаппын: қозғаларға шамам жок. Қашан келіп бассалар еken деп, құр сүлдем отыр. Атым əуелгі жарық шыққанда ішін тартып осқырып, атқып жөнелгенде шылбырды үзіп кетіп қалған.

Ойлап отырғаным ат емес. Қарудан найза мен шоқпарым бар еді. Оның екеуін де, бейітке кірімде, сыртқа сүйеп қойып кеткем. Жалғыз ғана семсерім бар еді – ол ішімде, қында болатын. Енді соны алуға да дәрменім келмеді. Қыбыр етіп қозғалсам – бассалатын сияқты қорқып отырмын.

Уақыт сонда тұн ортасының мезгілі ғана еді. Жел бұрынғыдай алай-тулей болып соғып тұр. Күн ашылған жок, жаңбыр да шелектеп құйғандай болып, сабалап жауып тұр. Әлгі бәленің түсін көрген сайын: “әлген жерім осы гой”, жапантұзде бір айдаладағы моланың ішінде қаңғырып өлтуге жазған еken гой”, – деп отырдым.

Сөйтіп зәрем кетіп отырғанда: әлгі нәрсе қыбырлап, маған қарай қозғалғандай болды. Қарауға дәрмен жок. Бір сүйк пәле келе жатқанын тек денем сезді. Иманымды айта бастадым. Бір мезгілде: тырс еткізіп дүниені жап-жарық қып жіберіп, қараңғыда құтырғандай қатты дауыспен ақырып келіп, иығымнан бассалды.

Еңгезердей, қап-қара болып үстіме тәніл келе жатқанда, өзіме қарай созылып келе жаткан қол-

дарына көзім түсіп еді. Қолдарының ұзын салалы кап-қара саусактары бүркіттің тұяқтарындағы болып бүрісіп, тырысып, сінірі тартылғандай көрінеді. Қапқалы келе жатқан қасқырдың аузындағы ырсып ашылған шенгел түйіліп келе жатыр екен. Үстіме аюша ақырып келіп қона түскенде, сол шенгелімен сүйектерімді уатады ғой деп отыр едім, жоқ – олай тимеді, тегеуріні қатты болсада, қолы адамның қолы сияқты, иығымнан басылып келіп, жұлқып сүйреп, әмірлі дауыспен ақырын:

— Киімінді тастап көрге кір – сен өлдің! – деді. Даусы кісінің даусы екеніне әбден көзім жетті. Сонан соң жүрегім орныға бастады. Сүйреуге айналғанда, екі қолынан ұстап, алыса түрекеліп:

— Мен киімінді тастағанда, сен киетін шығарсың!؟ Мен туғанда да шешем еркек бала таптым деп қалжа жеген, құдай-ақ та! – деп жағалаука кеттім. Мұнан кейін оның да, менің де үнім өшті. Қараңғы бейіттің ішінде екеуміз шаппашап келіп қапсыра құшактасып, таласқан екі аюдай үн-тұн жоқ сіресіп, қатып қалдық.

О да қысты, мен де қыстым; жалаңаш еті басында ұстауға ыңғайсыз болып еді, құшактап алған соң, жақсы болды. Аздан соң ышқынып келіп, опыр-топыр болып, кезекпе-кезек қайрат қылып алысып кеттік. Байқауымша күші маған соншалық басым көрінбейді. Бір мезгілде қуатымды әбден жиып, жүрегімді токтатып алып, тік көтеріп алып, жерге қойып келіп жіберіп, кеудесіне мініп алдым. Өзіме-өзім сүйсінуім әлей болды! Бағанадан қорқытқанның ызасы үшін: бір қолыммен

кеңірдегін қысып, қылғындырып, бір қолыммен өкпеден қойып-қойып жіберіп, семсеріме ұмтылдым. Оны жан дәрмен сұрып алып, қайнаған ашумен бауыздап жібергелі тамағына алып барғанымда, қаранды түнде жарқ еткен семсерді көріп:

— Ой, сен Жортармысың? Жұдырығындан таңыдым ғой! — дегені.

Сол арада даусынан мен де тани кетіп, — семсерімді тастай бердім. Тогай бойындағы Бура — Алтаяқ деген батыр екен. Бұрын жорықта кездесіп бір бақырдан дәм татысқан тату едік. Бағанадан бері қорқып отырған тажалым сол болып шыққаны!

Сөйтсем ол Сыбанды тори келіп, біргүні күндіз елсіз таудың ішінде қарауылсыз бейғам жатқанда, Төбет келіп түсіріп алған екен. Соның қолында бір айдай тұтқында жатып, нақ сол күні түнде қашып шыққан екен. Тұн сұық жауынды болған соң, киімі нашар, топыл, әдейі бейітті пана ғыла келіпті. Мен келген соң, құдай бір жұмсақ жемді берді деп құш жұмсап айламен алмақ болып, барлық киімін тастай қойыпты. Бойында қару жок. Жалғыз бұйымы: елінен алып шыққан бір сауыт сіріңкесі бар екен. Әлгі бағана тырс етіп, жап-жарық боп кететін уақытта, соны шағып жіберіп, отымен аузына тығып үрлей қояды екен. Менің зәремді кетіріп жүрген ырсиган ауыз сол сіріңкенің кеселінен болып тұр екен. Ол күнде сіріңке қуды кім білген? От керек болса, — шакпақ қуды тұтатып алып, жаға қоятынбыз. Сөйтіп мені қорқытып жүрген — жаман сіріңке болып шыққаны деп, аксақал мәз болып күлді, әнгімесін тоқтатты.

---

## 2. Текшениң бауырында

Бір жылы июльдің аяқ шенінде жайлауда отырған қалың елден тұс ауа шығып, қалаға қарай бес кісі келе жаттық. Бәріміз де салт аттымыз. Қала біздің елдің жайлауынан үш күншілік жерде-тін, ішіміздегі үлкеніміз Сүлеймен мен сол кісінің замандасы Қали еді. Бұл екеуі бір ауылнай елдің жер жайындағы приговорын алып, қалаға арыз бергелі бара жатқан. Біз екі жігіт оқуға келеміз. Бесінші жігіт Бейсембай, бәріміздің атқосшымыз еді.

Ауылдан аттанарда біз тез кетіп калуга елді қимай, оны-мұныға бөгеліп, ақсақалдардың жүрейік деген мезгілінен кеш шығып едік. Өзіміздің ауылдан шығып алған соң, Сүлеймен ақсақал:

— Бұғін кешке таудың күнгейінде отырған елдің біріне барып тұсіп, ас ішіп алып, тұн қатып жүріп кетеміз; тунде жүріп таудан асып алған соң, аржағындағы жолдың қындығы болмайды. Ертең күн қызғанша ойдағы елге де барып қаламыз. Түнде жүрген жүріс адамға да, атқа да жеңіл болады, — деп жол туралы өзінің істеген байлауын бізге білдірді.

Біз үндемей көндік. Бізге ауылдан шығып кеткен соң, қалай жүрсек те — бәрібір сияқтанып еді. Оның үстіне тау ішімен жарық айлы түнде жүру өз бетінде бір кепілді жүріс болатындаі көрінді.

Сол бетпен ымырт жабылып бара жатқанда қалың таудың күнгейінде отырған үш-төрт ауылға келіп, соның біріне түстік. Ақсақалдар күні бойы

үй иесімен өңгімелесіп отырды. Біз шай ішіп алған соң, тұнкатардың алдында үйқітап алмақ болып жатып қалдық. Бірақ көпке шейін үйқы келмеді. Көз алдыннан бүгін шыққан ауылдың жаз бойғы қызығы, жайлаудағы өмірдің көз көрген көп желігі, ракаты бірінен соң бірі келіп елестеп, үйқы бермеді. Ақырында, талып шаршагандай болып, үйқітап кеттім.

Біз оянганда етті жасап, алдымызга әкеп қойған екен. Үйдің іші ала-көленке, жеке жаққан шам жок, жарық қып тұрған – қазан-ошак астындағы тезектің оты. Бұл кейде өшуге айналып бәсендеп, кейде жалыны үлкейіп лаулап, жарқырап кетеді.

Үй іші оттың күйіне қарап: біресе – қоңырқай тартып, қарауытып көленкеге айналады; біресе – түсі жадырап күлгендей болып көнілденеді.

Шала үйқітағандықтан, мен-зен болып бойды көтере алмай, үйқылы көзбен отырып тамақ ішіп алған соң, өзімізді-өзіміз зорлықпен сергітіп, атқа міндік.

Кештен бері отта тынығып, белі көтеріліп қалған аттар, тұнгі<sup>^</sup>жүріске өте көнілді сияқтанды. Ығысып, жіті жүріп, қатты аяндап есіп келе жатыр. Ат үсті алғашқы мінген жерде өзінің көнілді желігімен үйқыны ашып жібергендей болды.

Бүгінгі тұн жарық, айлы. Қалғып кана тыныс алған майда тұн еді. Кепілге әлдекайда: тогайлы, үйқылы, маужыраған сайда күбірлеп сөйлеп, сүлдер құрып, үзіліп тұрған кездерді еске түсіргендей еді. Тұн сондайлық өзгеше демалыстың, жанды сағаттың түні еді-ау! Шіркін, құрбының сондағы тілі тәтті еді-ау! – деген әлсіз арман ойға леп-леп үрады.

Ауылдан шығып біраз жүрген соң, тау ішіне кірдік.

Біз жағалап келе жатқан жіңішке өзен кейде жағасы ұсақ тогайлы болып, кейде қалың шалғынды болып, иіріліп, көлденен таудың ішін жарып өтуші еді. Соның жағасындағы жалғызаяқ жолмен бірде шұбырып, бірде қатар жүріп келе жаттық. Жанымызда жіңішке өзен сылдыр қағып, жас жыланша сумандап, нәзік тілмен бір нәрсені былдырлап айтқандай болып, еріп келе жатты. Кей жерде суы кенейіп алаңға шығып, ай сөулесімен ақ беті жарқырап күлгендей болады. Кей жерде құлқұлі жүзі өзгеріп, коңырқай тартады.

Елсіз шын ұлы таудың іші жым-жырт. Өзеннің бірсыңдырығы сыйырынан басқа, дүниедегі үйқы тыныштығын бұзған ешбір естілген дыбыс жоқ.

Тау ішімен өзеннді өрлеп көп уақыт жүрдік. Сай мен өзен тау ішінен мүйіс жасап иіріліп бұралған сайын көз алдымызға жаңа сурет, жаңа көрік көрініп отырды. Жалғыз-ақ анда-санда әлдеқайда тау астында жүрген түн құстарының бір-қалыпты қатты дауыспен, жүргіншіні шошытқандай болып, қылғынып айтып қалған сұнқылы естіледі. Кейбіреулері қарауытқан үйқылы қанаттарын жалпылдатып қағып, мезгіл-мезгіл біздін үстігімізден өтіп кетіп жатты.

Уақыт түн ортасынан өтіп, таңға жеңіл бір үйқының шамасындағы қалғанда, таудың тең жартысынан өттік. Алдымызда Қоянды тауының ең үлкен – биігі – Текшениң қара қошқылданған биік басы көрінді.

Жүретін жолдың азайғанына бәріміз де көтеріліп, серги бастадық. Қатарымызда келе жатқан

Сүлеймен ақсақал Текшениң басын көргенде есіне бір әңгіме тұскендей болып, бізге бұрылып қарап:

— Балалар, жолдың өзі де қысқарып қалды, сендердің үйқыларың да келген шығар: мен жол қысқарту үшін бір әңгіме айтайын, — деді.

Біз ықыласпен тындайтындығымызды білдірдік.

Сүлеймен ақсақал жас кезінде елдегі көп құрбыларының өүеніне кіріп, үрлік қылған еді. Ол кезде алысқа топтанып аттанып, бейнетті қын жол көріп, соғыста болу ескі батырлықтың сарқыттындаі көрініп, ел ішінде қолы бос жүріп желік ізденген бозбалаға ең қызықты істің біріндей болыпты, тіпті жауынгерлік, өнерлілік санағыпты.

Сүлеймен сол ретпен неше жылдай аты шыққан тынымсыз ұры болып жүріп, артынан токтатқан екен.

Біз әңгімесін құтан келе жатқанда, ақсақал насыбайын баптап иіске ғылыш.

— Мынау көрініп тұрған Текшениң биігін көрген сайын, жас күнімізде істеген бір тентектік еске түседі.

Көп заман болды. Жылында, кем болса, екі-үш рет топтанып аттанушы едік. Ол күндегі қолбасы Жобалай батыр болатын. Атағы шығып жүрген кезі. Жасы сонда 30-35-тің шамасында. Аттанарда бізге астыртын хабар жібереді: “пәленше күні аттансын, пәлен жерде табысамыз”, — деп. Айтқан күнінде, хабарын екі қылмай, куаныш аттанамыз. Сонан соң қалыс елге кетіп, бір ай, жарты ай жүріп қайтатынбыз.

Бір күні ел жайлауда еді. Бәйгі торы ат деген атым бар. — Соны әбден мейіздей қылыш — қаты-

рып алған кезім еді. Кешке жақын өлгіні суарып, “енді бір қызығын көрсем-ау” деп түр едім. Құдық басына бір жігіт келіп, Жобалайдан хабар әкелді. “Бүтін тунде некылса да Текшенің баурына жетсін. Өзге жұрт сол жерге жиылды. Ертең кездесетін бір жау бар!” – депті.

Ауылдың үлкендері көрсе, жібермейді. Әкемнің дәuletі сол күнде де мол болатын. Сондықтан менің үрлышқ қылғанымды барлық ағайын-туысқан иттің етінен жек көретін. Үрланып жөнелдім. Болжал жерге жеттім. Жете бере өуелі бір иекартпа кезең бар еді – соған шыға келсем; аттарына өре салып қоя беріп, қарауылсыз дәненесіз, қаннен-қаперсіз жатыр. Көп кісі жиылып қалған еken. Соңан бұларды бір қоркытайын деп: киқу салып, “қапта-қапта!” деп, тиіп кеттім. Аттары үркіп, жосып, шығып кетті. Бірталайы есі шығып бұғып қалды. Келе араласып, бір екеуін төбеден сойылмен нұқып “бас көзді!” – деп жүр едім. Ешқайсысы мені таныған жок. Бір мезгілде артыма қарасам: жалаң аяқ, жалаң бас, қолында басы шәугімдей ұзын қайын шоқпары бар Жобалай:

– Уә, кәпір-ай, жасанып жатқан топқа жалғыз шабатын сен – Жобалай шығарсың! – деп келіп қалыпты.

Соңан соң мынау бір жерімді ұсатады еken деп шошып кетіп, бетіне қарап күліп жібергенім. Тани кетті. Бәрі де тұрды, жиылып әңгімеге кірістік: қайда барамыз, не істейміз дестік.

Жобалай жайды үктырды. Соның алдында бәріміз бірдей кіжініп, өштеніп жүрген жеріміз – Найман ішінде бір Мырзатай дегеннің аулы

болатын. — Жазғытүрим сол ауылдың үстімен аржағындағы Керейге Жобалайдың інісі Сыптаі касында екі жолдасымен аттанып бара жатқанда далада үстап алып тонап, өлімші қылып сабап, содан бір ай дегенде зорға келген.

Қасындағы жолдастары қашып кетіп, өзін таудың ішінде елсізде сабап-сабап мыжғылап, өлуге айналған соң: “енді бұл өлді” — деп, бір тасқа тығып кеткен. Артынан бес-алты күннен соң тағы сол жолмен бара жатқан біздің елдің бес-алты кісісі әлгі тастың тұсынан өтіп бара жатқанда ынырсыған дыбыс естіп, тауып әкелген.

Содан екі айдай қалжа жеп емденіп, зорға дегенде үйге таяқлен кіріп-шығатын больш, ауылда жатқан. Біз сол үшін Найманға кектеніп, “енді қалай өш аламыз?” деп, тісімізді қайрап жүргеміз.

“Жақында Жобалай сол оймен жүргенде бір хабар алыпты: Мырзатай аулының бір мырзының ойдағы бір Матайда қалыңдығы болады екен. Соны көп жасау жабдықлен ұзатып алып келе жатыр. Бір-екі күнде біздің елдің тұсымен өтеді”, — депті.

Бізді Жобалай сол үшін жиған екен. Сол хабарды естіген соң, бәріміз де қуанып кеттік. “Енді қашан соқтығар екенбіз?” — деп асырып, шиыршық аттық.

Сонан ақылдасып алып, оларды тоспақ жеріміз — Төбеттің Қызылы болсын деп, соған қарай бет алып жүріп кеттік. Тұс ауа сонда келіп орналық. Төбеттің Қызылынан бір шакырымдай жerde үлкен қара жол бар, Наймандар сонымен жүрмекші. Маңайда үшқан құстан басқа дым жок.

Құланелсіз. Екі кісіні кезекпе-кезек қарауылға қойып өзіміз етектегі бұлақтың басына келіп, ас істеп ішіп жаттық.

Сонымен кеш батты. Екінді мен ақшамның арасы еді. “Келмеді ғой” деп бәріміз де көңілсіз тартып отырганымызда биіктің басында қарауылда қарап отырған кісіміз қолын бұлғаң еткізіп хабар қылды.

Атқа тұра-тұра жүгірістік. Бәрі де ерттеулі, өресімен жүрген. Келіп өп-сөттің арасында мініп-мініп алдық. Санымыз сонда жиырма шакты. Тура бір қолмыз.

Сол арада қарауылда отырған кісіміздің біреуі келді: – Қуда-құдағилардың жиырма қаралы кісіци топталып келе жатыр. Бүгін Қызылбұлаққа қона тын түрі бар, енді тосып алындар, – деді.

Бұл жолда Төбеттің Қызылы деген биік жүргіншілердің бәріне белгілі хауіпті жер болатын. Бұлар сондықтан топтанып келе жатқан ғой. Көптігіне де сеніп келе жатқан шығар дестік.

Бірақ елсіз жерде, иен далада болған соң бұларды ала алмаймыз деген құдік көңілімізге титтей де келген жоқ. Аяғында, күн батып, көз байла нуға тақалғанда жүргіншілер біздің қатарымызға келді.

Сонан сол Төбеттің Қызылынан қара жолға қарай шұбатылып баратын бір ұсақ адыр бар еді, соның қабатымен алдын ала салдық, Адырдың шеті тақ қара жолға барып бітуші еді.

Сол жерге келіп: балта сабы екі кезеңнің түбінде қақ бөлініп тұра қалдық. Түрлерімізден адам шошығандай болып кеткен екенбіз: тымақтың қулағын тегіс жымыра байладап алғанбыз;

өңіміз сүп-сүр; қолда – бір-бір шашақты найза, қара сойыл, ұзын айбалта. Азғантай уақыт қана тостық. Бір мезгілде кәдімгі көшкен елдей ыргалып-жырғалып жайымен келе жатқан қыз-келіншек, бозбалалар. Дөң астында тұрып, екі қыздың қосылып салып келе жатқан әнін де естідік.

Сонан әбден жақындалап, екі-үш арқан бойын-дай ғана жер қалғанда, – қиқуды салып, ағашты қағыстырып сатырлатып келіп, тиіп кеп кеттік.

Жер де айқай, көк те айқай болды. Жұргіншілер жер астынан шыққандай болып самсаған сары қол қалтап қоя берген соң, есі шығып кетті. Қашуға да шамасы келмеді. Келе араласқанда топырлатып түсіре бастадық. Қару жок, сасқалақтап жүргенде бір-екеүінің қолына ғана ағаш түскен екен – қарсылық көрсеткен солар болды. Оның біреуі қыздың жас бауыры екен. Біз өзгесімен айналысып жүргенде, жанды бермек оңай ма, қалындық пен құдағидың айналасына келген кісіден төрт-бес кісімізді түсіріп тастапты.

Аяғында, өзгесінің бәрі құлаган соң, немене, – оларды да түсіріп алдық. Күйеу жігіт біреуді алдына салып күйіп келе жатқанда, Жобалай артынан келіп қаракұстан қағып жібергенде, аттан тымақша ұшты. Әйелдерін ұрганымыз жок, аттан түсіріп алдық.

Қыз – Матаидың ең бір бай жерінің қызы көрінеді. Алты канат ақ отау мен он шақты түйеге жасау артып толықсып келе жатқан беті екен. Бір топ қыз-келіншек нөкері бар, қара көз, қызыл жүзді, акқуба қыз. Жасы он тоғыз-жырманың шамасына келген. Сұлу пішінінің толықсып тұрған кезі.

Жасау дегеннен көз тұнады. Біз келіп түсіріп жүргенде еркектерінің бірде-бірі бір ауыз сөз айтуга жарамап еді. Бір мезгілде қызының жанында тұрган келбетті семіз ақ бәйбіше:

— Эй, жандарым, сендердің де әпке-карындастарын, алдарында тілеулерің бар той. Мынау — қойнымдағы алтынымдай сақтаған жалғыз балам еді, бөтен елдің босағасын жаңа аттағалы келе жатқанда, бақытын күйдірмендер, аяңдар! Іздегендерін мал, дүние болса, — осы әкеle жатқан жасауымның ішінен қалағандарыңың бәрін алындар, бірақ бізді бетімізben қоя беріндер, — деді.

Сонан соң түсірілгендердің бәрінің атын алып, өздерін топтап иріп қойып, өзді-өздіміз кеңестік. Арамыздағы кейбіреулер: “жасауын алып, қоя берейік” десті. Сонда Жобалай тұрып:

— Менің іздеп жүргенім әлі дүние ме екен? Олай болса, Найманның жылқысын алудан онай нәрсе бар ма еді? Мен Мырзатай аулының өмірінде есінен кетпестей кек алмақшымын. Жасау сөз емес. Алдымен бірнеше күнге дейін тұтқынғыш жатамыз. Кәзір бәрінің де көзін таңып, еркектерінің тегіс колын артына байлап, атқа мінгізіп Текшениң баурына алып барамыз! — деді. Бәріміз де осыны мақұл көрдік. Сонымен осы айтқанды істеп, қатын-қыздарды улатып-шулатып, Текше кайдасын деп, ел жатар мезгілде тартып жәнелдік. Келген соң тұтқындарды әрбір жерге отырғыздық. Жүкті түсіртіп, бес-алты күркені тіктік.

Биіктін басына қарауылды мықтап қойдық. Тұтқындардың күндіз-түні көзін шешпейік деп сөз байластық. Жерді таңымасын, түсімізді, атымызды білмесін. Және біреуіне неғызып жатқаныңызды екіншісі сезбесін дедік.

Сонымен үш қыз, бір келіншекті бір бөлек қойдық. Қыздың шешесін бұлардан аулак жерге қасында бір қатынымен бір бөлек қойдық. Көз танулы, қол байлаулы. Қасында андып тұрған жігіттер. Құндіз-тұні дүниеде не болып жатқанын ешқайсысы да білмейді. Тамағын ішеді де жатады. Жалынып-жалбарынса да, жыласа да – бірде-бірін құлакқа ілмейміз. Естімеген кісі болып, үндемей жүре береміз.

Сонымен, қойши, төрт күн тұтқын ғылыш үстәді. Сол уақытта көрген қызығымыздың ұшықыры жоқ. Ерте бастан екі аппақ құркені өзге жұрт жатқан жерден бөлек бір сайға апарып тіккеміз. Жобалай ұзатылып келе жатқан қызбен сол төрт күндей бір құркені жеке алыш, құндіз-тұні шықпай жатып алды. Өзгелеріміз қалған қыз-келіншекпен мәз болып жаттық. Бізге тиғен әйелдер біраздан соң өзімізге үйреніп, қалжындастып, ойнап отыратын болды. Анау ұзатылып келе жатқан қыз дүниедегі қайтпайтын қайсар адамның бірі екен. Сол төрт күнде жылаудан көз ашқан жоқ. Жобалайға:

– Менің бақыттым күйді. Жарық дүниеге көрінер бетім қалған жоқ. Енді қызық, бақыт маған жоқ. Сондыктан кіммен қарайсаң – сонымен ағар деп, енді ит болсаң да, сенімен қалар едім, бірақ дүниедегі ең жеккөретін адамым, ең қатты дұспаным сенсің. Өзім көрген жанның ішінде барып тұрған жауым сенсің! – депті.

Жобалай: – “Сол арада бетімнен отым шыққандай болып үялдым, бірақ онымен дауласайын ба, үндегенім жоқ!” – деді.

Сөйтіп дәл төрт күн, төрт түн ертегінің қызығындағы қызық көріп, бесінші күн тұнде жүктері-

нің бәрін дәл өздеріндегі қылып тиеп, бір сабак жібін алмастан, бұрынғы аттарына өздерін сол байлаулы қолымен, таңулы көзімен мінгізіп, бәріміз бұрынғымызыша аттанып, жолына алып барып, беттерін өз елдеріне қарай түзеп қойдык.

Көздері әлі таңулы. Өздері не болғандарын білмейді. Төрт күндей дүниені көрмей өбден мәңгі болып кеткен. Оның үстіне қайда апаратынымызды, жүгін қайтетінімізді ешбіріміз айтқан жоқпыз.

Жобалайдың батырлығынан бұрын, сондай жерде адамның ойына келмейтін құлықтарды табатын айлакестігі бөлек еді. Әлгінің бәрін істеп жүрген соның өзі. Тұтқындарды түгелімен жолдың үстіне қойып, ішінен көзі таңулы бір-ақ кісіні Жобалай жетектеп алып, бізге “жүріндер!” деді. Бәріміз жүрдік. Бір дөң асып келген соң, бізді тегіс екінші дөңнің астына жіберіп, жалғыз өзі қалып, әлгі тұтқынның қолын босатып, көзін ашты да:

— Ана жолдастарыңа барып, бәрінің де қолын шешіп, көзін аш. Содан соң жолдарыңмен “кудай” деп жүре беріндер. Бір сабак жілтерінді алғамыз жоқ. Менің атым — Жобалай. Мырзатайдың аулы биыл ар жағындағы Керейге бара жатқан менің інімді үстап алып, өлімші қылған екен. Бұл істегенім — соның кегі. Мырзатай аулы менің де ір-гелі ел екенімді білсін! — депті де қоя беріпті.

Сонымен Найман өз бетімен тартып жүре берді. Біз де өз бетімізге кете бердік. Сол енді о заманда болмаған, ел шабысатын үлкен ісі болса да, әлгінің артынан тырс еткен сөз шықтай, өшіп қалды. Өшірген қалындық болса керек.

Баганағы жолдасы барып көздерін ашқан соң, қалыңдық қасындағы жолдас қыздарын шакырып алып, не көріп, не білдіндер – айт! – депті. Оларға, Жобалай айтпа десе де біздің жігіттердің кейбірі айтып қойған екен: “қалыңдықты біздің батырымыз алып жатыр”, – деп. Қалыңдық өз жолдастарынан бұны естіген соң, оларға өле-өлгенше бұл сөзді ешқайсын сыртыңа шығарма деп мықтап тапсырып, уәде қылышты. Соңан соң еркектерге, шешелеріне: “төртеуіміз бір жаттық, ештеңе көргеніміз жок”, – депті.

Сонымен қыздар көрген-білгенін жасырған соң, Найман дүниесі бүлініп-шашилғаннан аман болған соң, неменеге өштессін?

– Олар да бұл турадан сөз қылуды тоқтатып, өздері өшіруге себепші болды, – деп Сүлеймен аксақал әңгімесін бітірді.

Бұл уақытта таң ағарып атып қапты. Біз тау ішінен өтіп, жазыққа шығып едік.

Әңгіме біткен соң, бұрынғы аянды қойып, желіп жүріп кеттік.

## ЖЕТИМ

Жаз ортасының қоңыр кеші. Ұлы таудың бектерінде кештің қоңыр салқын желі еседі. Күн батып, ымырт жабылып барады. Күнбатысты қалың қара бұлт басқан, айналада күнгірт тартқан тәбелер қоңырқай тартып, тұн тыныштығына қарай бойсұнған сияқты. Сондай жүдеп сарылған тәбелердің арасымен үш салт атты келе жатыр еді. Бұлардың беті – қалың таудың іші.

Күнбатыста алыста жауын бар еді. Сол алыста күн күркіреп жатты. Анда-санда көкжиектің түсында күн жарқылдап тұр. Бұлт қалың, жарқылдағы күшті еді. Қара-барқын тартып қараңғылана бастаған аспанда тұксиген қатал қабак, құлазып жүдеген иесіздік білінгендей. Үлкен жарықтың өшер алдында бір сөніп, бір лап етіп жанғанындей, күнбатыста жарқ еткен нажағай жарығымен күнгірт даланы өлде неге үміттендіріп тұрған сияқты. Тау бөктеріндегі қоныр жел ақырындаған бұралып соғып, салбыраған шерлі күйді қозғағандай болады. Табиғат салқын түстен болса да, сұлу тілді сүйгендей, іздеңгендей еді. Мәңгі мұңлы шермен үзіліп-үзіліп сокқан желмен бірге жүректі ақырын-акырын шымшығандай еді. Сол кезде иесіздікте жүдеу тартып, үйқыға батып бара жатқан даланы әнші жігіттің зар-мұңлы даусы ұзак толқынды ырғағымен тербеткендей болды. Эн салқын түсті табиғат ортасында желікті қызықты еске түсірмей, ұлы бір сабырды еске түсіргендей. Эн салған жігіттер табиғатпен жалғасатын тіл тапқандай боп, кейде баяулап қонырлатқан, кейде шырқыраған сұлу әнмен түн құшағына кіріп келе жатты... Бұл мүйнетте адамның әні де алыста күркіреген күндей, үзіліп сокқан бөктердің желіндегі табиғаттың өзінен шыққан бір қуат сияқты еді. Бойды табиғат қуатындей болып тоңазытып, көңілді жүз толқытатын қуаты бар еді. Эн кейде батқан күн мен бейуаққа қоштастырған үн сияқты.

Бұл жігіттер иесіз таудың ішімен түнде жүріп өтпек болып, тау сыртындағы елді бетіне алып, жалғызаяқ жолмен түн қатып келе жатыр еді.

Осы кезде осы таудың сыртында жігіттер келе жатқан жақты бетіне алып, жалғыз жаяу бала келе жатты. Жол үстінде ымырт жабылып, қас қарайған шақта жалғыз келе жатқан баланың ойында үлкен мұн, қабағында қалың қайғы бар.

Табиғат балаға катал, сұық көрінеді. Жан-жақта жүдеу тартып, жұмырланған боз төбелер қайғылы сырымен, дүние шерімен сазарғандай. Бетіндегі әқ көде, сары селеуді сүйретіліп, сумандап соққан тұн желі желпи қозғап сілкінтіл тұр. Қаруытқан көлеңкелі сайлар қара түннің қаранды сырын баурына жиып, әлденеге сақтап тұрғандай болады. Белгісіз туңғиық жүргегін жаныштады. Әрі салқын, әрі қорқынышты құйді есіне түсіргендей болады. Жүргегін қорқыныш басып, жалғыздық жеп келе жатқан баланы не бастап келеді? Жеті тұнде айдал шыққан айдаушы кім? Айдаушы сол баланың тағдыры еді.

Он жасар Қасымның бұдан бір жыл бұрын кәрі анасы өліп еді. Одан жарты жыл бұрын өзі тұған әке-шешесі өлген... Өз әке-шешесі өлгенде Қасымның сүйеніші болып қалған кәрі әжесі бар еді. Қасымның кішкентай өлсіз басы тағдырдың бұның басына келерлік барлық соққысын түгелімен көріп шыққан. Алдыңғы өлімнен кейін жарты жыл өткенде кәрі әжесі өліп еді. Бұрынғы бала – бұрын еркелікпен жылайтын Қасым әжесі өлген күні шын қайғымен жылап еді. Басына аспан құлағандай уайымды сол күні көріп еді.

Жақын, жанашыр туысқаны жоқ болса да, маңайындағы ел әжесінің өлігін үйден алған шығарда, кішкентай Қасым үлкейген кексе кісі айтатын зардың бәрін айтып, шешесінің үстінен жығылып, айрылғысы келмей құшактап:

— Әжетай, мені кімге тастан кеттің?! Мені неге ала кетпедің, менің қаңғып қалғаным ба? Менің шынымен сорлы, шынымен жетім болғаным ба? — деп зарлағанда, елдің сай-сүйегін босатып, көрі-жастың журегін еріткен болатын.

Қасымға өзге өліктің бәрінен әжесінің өлігі батып еді. Әжесі демі үзілген мүйнетіне шейін қарсы алдында, аяқ жағына Қасымды отырғызып қойып, содан көзін алмай жатып үзілген. Кәрі кеудесінен жаны шыққанша, Қасымға ендігі қайғының қаншалық ауыр болатынын біліп, бұның сорлы болған пішінін көруге өзінің көзі шыдамай, есіркеп, барлық күшін жиып, езу тартып құлген сияқтанып жатып еді. Сонда өмірді тілесе — Қасым ержеткенше деп тілеген. “Құлynamың бұғанасы қатқанша, рақым ет. Сорлы қылып қақсатпа, зарлатпа, көрде мені құнірентпе!” — деп тілеп еді.

Әжесі осы тілектің үстінде өліп еді. Қасым сол күнгі жылауынан бастап, үлкен кісідей қайғыға, қаралы күйге түсті. Шешесін жоқтап жылағанда, елжіреп сүйген атасы, өз әке-шешесі түгелімен көз алдына келіп елестеп, кешегі жылы үяны көз алдына әкеп түргандай болушы еді. Қасым бәрінің де атын атап шақырып, кішкене ақ таяққа сүйеніп тұрып, жалғыз өзі оңашаға кетіп, зарланып жылаушы еді.

Қасым үйыктаса, бакытқа жеткендей болып, өзін алдына алып сүйіп уатып, көзін сұртіп жүрген әке-шешелерін көруші еді.

Бәрі де — біз тіріліп келдік, енді өлмейміз... Сен қорғансыз емессін, сен жыламайсың, сенің көз жасың бізді қайта алып келді... — деуші еді.

Қасым түсінде еркелеп, әжесінің төсін іскеп, “мені неге жылаттың?” – деп өктеп айтатын. Ояна келсе, – көргені түс болса да, Қасымның көнілі солардың өлгеніне көпке шейін сенбей жүрді. Белгісізден солардан хабар әкелуші бардай, не болмаса біреуі келетіндей, көніл хиялын сол ой билейді.

Бірақ күндер өтті. Қасым жетім болды. Жетімдік бұған өзін барлық сұық пішінінде емін-еркін танытты. Қatal тағдыр мықты қолымен қатты ұстады.

Күннен-күнге өткен сайын әжесі келмейтін болып, алыстай бастады. Оның бейіті Ұлытаудың бектерінде алыста қалды. Ауыл тау асып көшіп кетті. Әжесі тірі болған күн Қасымның көнлінен сұлу сағымдай, жазғытұргы мамық түсті бұлттай болып, қайта оралмастай боп жоғала бастады. Әжесінің мұны уатып айтатын ертегісі, кешкі мезгілде алдына алып құпісіне орап отырып, тербетіп айтатын сезімді қоңыр әні де жоғалды. Өшті. Қасымның үмітті жарық күні де батты.

Әжесі өткен соң “жақынымын” деп, жаны ашыған ие болып шығып, Иса деген ағайыны Қасымды қолына алды. Қасымның әке-шешесінен отыз шакты қой, он шакты қара қалып еді.

Исаға Қасымның малын берерде жүрт: “Жетімнің малына қиянат қылма! Өзін адам ғыл, күт, асыра, жылатпа” – деп тапсырған болып беріп еді.

Исаның балалары көп, малы жоққа жақын кедей болатын. Ұрысқақ долы қатыны Қадиша мен Иса Қасымды алғашқы қолына кіргізіп алысмен малды өз малындай, өз мүлкіндей баурай бастады.

Түнде ел жатқанда жетім қозыдай тас бауыр болып қалған Қасым жат үяда үйықтай алмай, көрпенің астында үндемей жылап жатқанда, Иса мен Қадишаңың әнгімесін есітіп еді. Сонда олар Қасыммен бірге келген малдың санын азсынып, әркайсының түсін атап, әне бір көк саулық пен қарабас қойды соғымға жібереміз, каска сиырды сатып, үй-ішіне – бала-шагаға саудегерден бұл аламыз, – деп ашыққа салып, кеңесіп жатты.

Қасымның көрпе астында жылап жатып, мұрнын тартып дыбыс бергені де оларды бұрынғы әнгімeden тыйған жоқ еді.

Қасым осы түннен бастап бар қайғыны ішіне жия бастады. Маңайындағы көрші қатындар, сенімсіз топас шалдар:

– Бала, малыңа ие болуга жарамайсың!.. Әй, сені Иса жейді ғой. Сенің малыңды құртады ғой. Ие бол! – деген сөздерді айтқыштап қоятын.

Қасым сөйлеп, орынды сөз айтЫП жеңе алмайды. Бірақ көніліне жетімдік, әлсіздік қайғысы зіл-қара тастай орнап қалды. Аз заман өткенде бұрынғы толық ажарлы Қасым аппақ болып қуарып жүдеп, ылғи қабагы түйіліп, қайғы сзызымен тұксисіп алды. Жалғыздық, сорлылық кебін барлық пішінімен білдіретін болып еді.

Бұрынғы кішкене әлсіз ойымен нобайын сезіп, қорқып күткен сұық күн Қасымның басына күннен-күнге сұық қолын созып, жақындалап келе жатты. Қасымның малы ұстала бастады.

– Мен жетім емес пе? Менің малыма тигенің обал емес пе? – деп жылап айтқан – жүрттан үғынған сөзі әсер бермейтін болды. Көк саулықтың мойнынан құшактап жабыскан жолында Иса

мен Қадишадан қабат таяқ жеді. Жылаған сайын тамақ бермейтін болды. Алғашқы қайғылы күндегі Қасымның қадірі де үзак болған жоқ еді. Екі-үш күннен соң Иса мен Қадишаның сезім дегенді білмейтін – көн болған көңілдері бұрынғы таз қалпына келіп еді.

Олардың балалары бірінен-бірі ерке болып шығып, Қасым қағаберісте қалатын болды. Қасымға таласа-тармаса күнкөру керек болды. Мал ұсталғалы басында қайғыртып жылатып, кішкене сорлы жетімнің ішіне у болып жиналып жүрседе, әрберден соң ол қайғы бір бөлек қалды. Енді Қасым тамакты да жөндеп іше алмайтын болды. Жыламаса, әке-шешесі бар балалардан кезек тимейді. Оның үстіне олардың ересегінен таяқта жей бастады. Қасымға бұдан соңғы бір қайғы болып – малды қарастыру, қозы бағу шықты. Аздан соң өзге балалар “тілазар, көпір, бармайды” деген атпен құтылып қалатын болып, Иса мен Қадишаның бейілді қабағына ырза болатын күйге келген Қасым тезек теретін болды. Малдан кешке келіп сүрініп-жығылғанда болмаса Қасымға бостандық, еркіншілік жоқ еді. Кейде Иса өз балаларын: “олардың малы жоқ, малдың иесі – Қасым” деп қойып, олардың, еріншектігіне өзі құрық беріп, Қасымның бишаралығын ашық арамдықпен қақлай ғылып та қояды. Бұл халдің барлығы сорлы жетім көңілінде күннен-күнге өткен сайын арылмластай үлкен у болып жиналып жүрді. Қасым енді барлық өзіне қарсы арналған арамдық, өгейлік құлық пен көпірстан мінезді қабактан, жарты сөзден үфатын болды. Тұрган аулында бір адамнан мейірімді мінез көрме-

ген сон, ешбір жанмен сейлеспейді. Күз күніндегі жабырқап жүдеп, қабағы қатқан қайғыда. Сырт пішіні момын сияқтанады. Бірақ ішіне ылғи жетімсіреген жалғыздықпен бірге, дүниеге сенімсіздік, ешкімге жұымайтын жатбауырлық нығайып орнай бастады.

Бұл мінез өсіп, күшейіп ішіне мұздай болып қатқан сайын, Қасым ашулы болып, қаны бұзыла бастады. Оның үстіне үнемі аштық, күтімсіздік, ауыр жұмыс қосылып, ойын шатастыра берді. Әжесі өлген сон, көнілінде бір күн тіршілігіне сүйсінгендей ашық күн болған жок. Кішкентай Қасымның түсі де, көнілі де қартайып, жүдеп барады. Бұл уақытта Қадишаның қолы үйреніп алған таяғы күннен-күнге “Жетім ит”, “Жаман неме!” деп көзге шұқып, жиі-жиі тие бастады.

Бүгінгі Қасым жалғыз келе жатқан түннің алдында таңертеңнен кешке шейін Иса мен Қадиша бұны үйіне жолатпай, ауылдан қызып жүріп сабап еді.

Ақырғы рет кеш алдында күні бойы жылаумен үздігіп әлі біткен Қасым жетімектің барлық сорлылығына бой сұнған пішінімен Исаның үйін жағалап келе жатыр еді. Жаутандаған көзімен жылы шырай ізделп келе жатқанда, алдында бұрынғыдай зәрленіп тұрған Исаны көрді. Иса бұған “сен қарсы келдің” деген зілмен тағы да үрмақшы болып қарсы жүгірді. Сол уақытта Қасым жаны қуйіп шыдай алмай жылап жүріп сөйлеп:

— Мені мұндай сорлы ғылғандай не жазып едім?.. Ненди жеп едім?! Жазығым — қуарып қалған жетімдігім бе? — деп, жерде жатқан үлкен

тасты ала салып, төніл келіп қалған Исаны тізесінен періп кеп жіберіп, далаға қарай қаша жөнеліп еді.

Иса аузына келгенін айтып боқтап, аяғы мертігіп “бак” етіп отырып қалды. Қасым сол бетімен тас лактырып құған балаларға жеткізбей, үлкен тауға қарай жөнеліп еді.

Ауылға енді қайта бара алмайтынын біліп, зарлап еңіреп, әжесі мен атасының атын атап шақырып келе жатқанда, бұрыннан ойлап жүрген бір көмескі ниеті есіне түсті, ол ниеті – ел жайлаудан қайта оралып, қыстауга таман жақындаған соң, сол қыстау маңында зираты бар өке-шешелерінің басына бармақшы еді. Олардың басына мал сойып апарып, құран оқытамын дегендे, алдында Isa мен Қадиша ұрсып, қабыл алмай, малды сойғызбай қойған.

Казіргі Қасымның ойы, енді баратын қорған жоқ болғандықтан сол қораға барып, сол манайда қалған жатақтарға жетіп, тау бектеріндегі өке-шешелерінің басына барып, қабырын құшактап жылау еді. Тау асатын жолда жалғыз келе жаткан зар еңреген жетім бала Қасымды алып келе жатқан хал осы.

Қасым жүгіре бастады. Шошынған қабакпен алды-артына қарай береді. Жетім көзі белгісіз бірдемені күткендей болады. Пайдасыз күту. Ішінен қатты қорқып келе жатса да, көзіне көрінер тірі жан жоқ. Қап-қаранғы түн болды. Қасым тау ішінде келе жатыр. Бұдан кішірек күнінде көп естіген қаранғы сырлы әнгімелер болушы еді. Түнде кездесетін жын-шайтандар, кара түндей жалмауыздар... сау адамды қағып кететін перілер.

Бұлардың талай рет түн жүргіншілерін шошытқан, жындандырган көзіне көрініп елестеген әңгімелері кішкентай Қасымның көnlіне әбден қонып, онсыз да науқасты әлсіз қиялында мықты орын алып қалған...

Бұл уақытқа шейін Қасымды қайғы, жазықсыздық, ашу жетелеп дедектетіп келіп еді. Бұдан бұрын қайта қайту, Исаның пішінін көруден де өлімді таңдал алатындей еді. Сол күй қорқынышты ойлатпай алып кетіп еді. Казіргі уақытта қаранды түннің қара желі қатайып, түн түсі суи бастаған сайын, Қасымның жүргеі қалтырап, шошынып, елеңдеп келе жатты. Оның үстіне алыстағы бұлт жиі-жиі күркіреп, күн жарқылдайды. Түнгі тау, қара жартас алыстан перілер мекеніндей болып – жарқ етіп, қайта қарандылыққа батып жоғалады. Түн қарандылығы жалт еткен жарықты тездетіп, жалмауыздай басып қалады. Таудың қаранды сырлы сайлары жартастың қалың көленке басқан қара күйедей түнғиық қап-қара беттері түндегі таудың қаранды пәлелерін ішіне бүгіп жиып түргандай көрінеді... Тогайда да қалың жапырақтың арасында қара бірдеме жасырынып, әлденені күтіп түргандай. Әрбір түптің астынан қара түннің түнғиық, сұық, терен, қара көздері мың сан болып қадалып қарап түргандай... Биік тау, мықты қара жартас, бұралған тоғай мен майысқан шалғын – барлығы да түн мезгілінде Қасымның көзіне жат болып кеткендей көрінеді. Тас қабақты, жұлдыз көзді, түндей қара түсті қара кемпір тау ішін құйындей құтырып, кезіп жүргендей. Қара желімен “әпсін” оқып үшкіріп түргандай. Дүниені тас қып қатырып,

тылсым бугандай. Тұн тыныштығын үйқылы қанатын жалпылдатып қағып үшқан жалғыз ғана қаракүс бұзады. Сондықтан оның атын жынды құс қойған. Осы сияқты ауыр мезгілде Қасымды тау ішінде жетімдік қайғысы жанұшыртып алғып келе жатты... Бір мезгілде, Қасым қорқып, дірілдеген жүрекпен маңайына жалтаңдал әр нәрседен үркіп келе жатқанда, күн жарқ етті. Сол уақытта жол жиегіндегі бір кішкене тоғайға келіп қалып еді. Оқыста көзін жұмдырып шошытып қалған жарықтың ішінде Қасым көз алдынан елбендең жөнелген бір нәрсенің түсін шалып қалды. Шошынып, өне бойы мұздап, жүрегі лұпілдеп соғып кетті. Бұл кеткен сол тоғай ішінен үшқан жынды құс еді.

Бірақ Қасымға ол көптен күткен қаранғы сырлы күшті қуаттың бірі болып көрінді. Сол кезде Қасымды шешесінің қабырына қарай тартқан жетім жүрек өзге денесінің іркілейін дегеніне ерік бермей, ілгері дедектетіп алғып жүріп кетті. Бірақ бұл уақыттағы серігі кім? Періште дегені осы ма? Әлде жын ба? Әйтеуір енді алдында бұлдырлап, елестеп жүтіргендей болып, елбендеңен бір нәрсе жолын бастап келе жатқан сияқты. Қасым бір уақыт кісі екен деп ес көргендей болып еді, артынан шоши бастады. Жүрегі сенімсіздік хаупімен тағы лұпілдеп соқты. Ақырын жүріп, кейіндегісі келді... Бір мезгілде бетіне құтырып, ыскырып келіп үйтқыған бір құйын соққандай болды. Жасқанып көзін жұмды. Қайта ашса – қаранғы тұнде оттай жанг-ан ала-көз ашумен тұксіп қарап тұр...

Алдында тісі аксиған, ұзын бойлы, колында ұзын қара пышағы бар қара кісі тұр екен. Дала-

ның жыны осы ғой деп ойлай беріп еді, анау Қасымға әмірлі дауыспен ақырып:

— Артымнан еріп жүр, әлсіз дененің шаршап талғанына қарама! Аяғыңа кірген тікенге, жырған тасқа қарама! Өліп қалсаң да артымнан еріп отыр! — деп жүріп кетті. Әлсіз жетім:

— Ағатай, жетіммін... — дей беріп еді, алакөз қайта жарқ еткенде, артынан жүгіріп кетті. Қасым өкпесі үзілгенше ентігіп жүгіріп отырды. Көз ұшына жоғалып кетті. Тұн ортасы болған кезде, таудың осы мөлшеріне бөктерде келе жатқан үш жігіт жетті. Бұлар аяңшыл аттардың екпінімен тастақ жолды тықырлатып, таудың сала-саласын бір құлап, бір өрлең, жолды қуалап келе жатыр еді. Ұзақ жол жалықтырып, тұн үйқысы жеңе бастаған жүргіншілер бірінің артына бірі түсіп, тізіліп келе жатқан. Бір уақытта бір тоғайдың тұсына келгенде, аттары осқырып, ішін тартып, тоғайға қадалып жүрмей, үркіп тұрып алды.

Сол уақытта жаңбыр бұлты тауға таман жақындал, жел қатандап, күннің күркірегені жиілеп тұр еді. Күн әдетінше жарқ етті. Сонда үш жолаушы алдарындағы ағашқа сүйеніп жығылып, қатып тұрған баланы көрді. Басында бұлар шошып, аттары да үркіп атып кетсе де, артынан оралып дабыстап, әлгі жерге қайта келді. Бұлардың көп айқайына ешкім дыбыс бермеді. Аздан соң аттан түсіп, қасына келіп қараса — жыртық киімді, өні құп-ку болып, қаннан айырылып жүдеген он, он бір жасар бала екен. Ол — өлік. Бірақ денесі әлі түгел мұздал та болған жоқ екен...

## КІНӘШІЛ БОЙЖЕТКЕН

Май айының іші. Гүбірнелік қаланың бақшасы мейрам күніне күндізден өзірленген. Күн батуға тақағаннан бері қарай, қаланың қызықты көксеген жастары өлде неше көңілді топ болып, күлісіп-әзілдесіп келіп, бақшага кіріп жатқан. Бүгін күн ыстық болған. Сондықтан мынау бақшаның көлеңкесінен шыққан салқын леп майысып кана тербете соққанда, денені тез көтеріп, сергіткендей болушы еді.

Мейрам күннің тұс мезгілінен бері қарай, бақшага барамыз деп өзірленген бозбала мен әйелдер күн батардан-ак бөлек-бөлек жайрандаған топ болып, үзілместен келіп жатыр. Қала халқына көптен белгілі болған бақша оркестрі күндізден күтіріп ойнап, дәмелі жастың көңліне қозғау салып шакырып тұрган.

Құмы мен шаңы көп ыстық қалада майдың коныр салқын кеші кішкене сұлу бақшаның ішіне жанар оты сөнбеген жастарды еркін демалыска, түстей сұлу сезімге шақырып, күтіп тұргандай. Бақшаның сөнді шұбар тобы көрініске шыққан сахна сұлуларындаи болып, неше алуан тілімен былдырлап, желікті құлқі, сезімді қалжынмен оркестр күйінің ішінде толқынып, бұралып өтіп жатты. Күн батып, қас қараюға айналған кезде бақша мезгіл сайын жанданып, ыстық лепті тіршілік қызыуымен ажарланып келе жатқан. Бақша, тіршілік күнінше, жылытатын үяша талай менреу ойды да оятып сергіткендей:

Кейбір шеткі аллей ұзақ коңыр, қаранды болып келіп, қаранды түн сымымен қосылып, ыстық демалыс, үзілген жүрек күйін ескерткендегі болатын. Екі жақтағы қаранды қалың тогай ішінде тұнғиық қара көзді түн сымы оркестрдің, сезімді күйіне тіл қосқандай. Қалқып тұрып иек қағып, жұмсақ жел сілкінтекен жапырақтарын тілшіғылышып, сол күймен сыйырласып сырласқандай болушы еді.

Бұл бақша – өмір базары. Кейде құлаштап, кейде кезі келсе – топтап, кейде жекелеп сатылатын сезім базары. Бақшада жаздың түні болды. Ашық аспанның көп жарық жұлдыздары бақшаның төбесінен төніп, таласа карағандай.

Бақшаның халкы әр алуан болушы еді. Көпшілігі – орыс жастары; бұлардың арасында анда-санда татар, қазақ жастары да кездесетін.

Әзірше көп халық, үлкен аллейде мың тілмен сөйлеген қалың селдей болып тынымсыз ағылып, толқынып өтіп жатты.

Гүбірне бақшасының үлкен аллейінде екі-үш жерде дөнгелек фонтан бар еді. Олардың тұсында сейілшілер екі жарылып, жарығы мол аланда бірін-бірі көріп, ерсілі-карсылы өтетін.

Сағат 8 мөлшерінен осы аллейдегі топқа келіп араласқан үш қазақ жігіті өзара анда-санда күлісіп-әңгімелесіп, ажары тәуір әйелдерге телміре қарап, “осы сұлу, осы сүйкімді” деп, құмарланған пішінмен қызыққан сөздерін айтып жүрді. Бұлардың ортадағысы аласа бойлы, жұғымды, кішілеу денелі, қызыл шырайлы қараша жігіт еді. Тұнғиыктанып, сұлу ажармен қарайтын пенсне киген қара көзді, қыр мұрынды, қыскалау қара

бүйра шашты жігіт. Бұл – гүбірнелік қалаға шет жерден жаңадан келген Фаббас болатын. Жаңындағы екі жігіт – соның осы қаладағы бұрын басқа жерде бірге оқыған жолдастары.

Бұл қалаға келгеніне көп болмаса да, Фаббастың өзге таныстары да қөбейіп қалып еді. Сол көп таныстың ішінде Фаббасқа әсіресе әсер берген Файша бар. Бүтінгі бақша ішінде сейілде келе жатқанда, Фаббастың қасындағы бір жолдасы: “келуші ме еді?” – дегенде, Фаббас келуін күткен кісідей: “Сөзіне жетсе – келмекші еді, қайта ойланса – өзі біледі!” – деп күлген болатын.

Файша мен Фаббастың танысқанына аз уақыт болып еді, бірақ гүбірнелік қаланың соңғы кездерінде болған сауықтары мен тағы бір-екі жерде конакта болған жиылыста бұл екеуі бір-біріне қайта-қайта үшырай берген. Файша гүбірнелік қаладағы қазақтың тәуір қызы болады. Фаббас – қазақтың басқа облыстан келген тәуір жігіті. Бұлар бір-бірінің атын бұрын да естіген еken. Оның үстіне, екеуі де балалық, бүйігілік шақтан өткен. Сондықтан екеуіне де жақындал сөйлесіп, ұзак әнгімелесіп, женіл түрде қалжың-дасуға да көп қынышылық болмаған. Бүтінгі кештің алдында бұлардың ақырғы көрісіү алдынғы өткен түнде татар театрында болған.

Сол кеште Фаббас көп төсөлген дағды бойынша, ептең шырға тартқанда, Файша қарындас аса көп сыр білдірмесе де, созаландап, әнтек иліп келе жатқан тәрізденіп еді. Сондықтан Файша мен қоштасып, айрылар жерде жас жігіт: “Жаңында үйден шықпақ ниетің бар ма? Жоқ өлде бүтінгі сауық тойдырды ма?” – деп, күлімсіреп

сұрағанда, бұл өзі “көрісейік” деген сөзді айтпаған кісі сияқтанып, шын ниетін ішіне бүтіл отырган болып сөйлеп еді.

Файша да ол сөздің түбірін байқамаған кісіше: “Жазғытурымғы уақыт қой, үнемі сарылып үйде отыра беру ауырырақ тиеді. Оның үстіне ертең бақшада жақсы сейіл болмақшы дейді, соған барармын!” – деген.

Фаббас бақшада сейіл болатынын бұрын естімese де:

– Мен де соған бармақшы едім. Олай болса, ертең кездесерміз... – деп еді.

Файша үндемей ырзалық білдіргендей болды. Әзірге тұспал сөзбен, емеурінмен ұғысқан жастар осы сөзбен бірін-бірі ертеңгі бақшада көретіндеріне нық сеніп айрылысқан болатын. Бүтін Фаббастың бақшага келудегі мақсаты сол Файшаны кездестіру еді.

Фаббасқа қасындағы жолдастары Файша жайын көптен баян еткен гүбірнелік қаладағы қазақ оқығандары бұдан екі үш жыл бұрын Файша жайын сөйлеп-сөйлеп, аяғында, атын тоздырып болған соң тоқтаган-ды. Қазактан шыққан бірен-саран әйелдің жеріне жетпей тоқтамайтын ел аузы Файшаның басына өз бағасын алдақашан беріп болып, нық байлауын жасаған. Бір замандар Файшаның атына бірі артынан-бірі тізбектеп келетін әлденеше жігіттің атын қосақтаған болатын. Сол әңгімелердің шет-жағасын Фаббас та естіген еді. Бірақ Фаббас жаңа таныс болған құлықты әйел туралы өзгелер келген байлауга келген жоқ-ты. Ол Файшамен таныстырын, онымен жүрген жүрісі мен әңгімесін әзірше ешкімге

сыртка шығарған жок. Бірақ сырттан қарап, көлеңкеге тон пішетін көзден өз істері үшін қысылған да жоқ-ты.

Файшаның келуін тосып жүрген мезгілде, жаңындағы жолдастары:

— Сен бұны жаңа көрдің, алғашқы көрінісінде әйелдің жақсы-жаманы айрылмай да қалатын. Оның үстіне, Файша жақсы актриса десетін. Бірақ, есіңе салғанымыз, бұл үлкен романға героиня болуга татымайды. Одан бергінді, қазақтың баласының ғой, өзің де білерсін, — дескен.

Бұл сөз күлкі мен қалжың есебінде айтылып еді. Сондықтан парыз-қарызы жоқ бір әңгіме болып қала берді. Осындағы сөздермен үш жігіт үлкен аллейдің орта фонтанына шыққанда, қарсы топтың ішінде әңгімелесіп келе жатқан екі жас әйелді көрді. Бұның бірі Файша, екіншісі соның жолдасы — татар қызы Мәдинә totash еді.

Фаббасты екі жағындағы жолдасы да түртіп қалды. Бір-бірін алыстан көрген жастар көріскең жерден алыс та болса бас иісіп амандастып, бірінебірі қарсы жүрді.

Жастар жақындастып келіп амандастып, енді жүрге айналғанда, бесеуі бірдей катар журу қалың кісі келе жатқан аллейде ынғайсыз, икемсіз болды. Фаббас пен Файша екеуі бір бөлініп, ана екі жігіт Мәдинә totashpen бірге қалды. Алғашқы жерден-ақ кешегі жақыньярақ танып болып қалған қалыпта екі жас онай келе кетті. Эбден үйір болыспаған адамдарда мұндай кездескен уақытта ең болмаса бас кезінде тосандық болушы еді. Фаббас пен Файша ол халді жазып жіберді. Алғашқы сөзден-ақ бұлар күлісіп, дамылсыз әңгімеге кірісіп кетті.

**Фаббастың алғашқы сөзі:**

— Бақшаға кешендей келдініз, әлде бұрынғы келулер жалықтырган ба? Екі ойлы болып барып келгеннен амансыз ба? — деді.

**Файша кесектеу даусымен құле сөйлем:**

— Жок, мені бақшаның жалықтыратын орны жоқ, өйткені осы бақшаға менен сирек келетін адам жоқ! — деді.

— Олай болса, кешірек келуіңіздің себебі не? Әлде кеш барсақ та, құр қалмаспыз дедіңіз бе?

**Файша бұл сөзге майысыңырап құліп:**

— Рас, бақшаның қызу кезі де осы уақытта басталады. Оның үстіне қазақ табиғатының өзі осы сияқты үнемі шу мен дырдуды сүйе бермейді гой. Қызық шығар деп келсөң, жалықтырып жіберетін де уақыты болады. Сондықтан кісі үнемі асығып жүрмейтін болыпты! — деді.

Файша қазақ табиғатын сөз ғылғанда, артын-дагы екі қазақ жігіті Мәдинәнің көзінше ешнөрсені ашып айта алмай, біріне-бірі қарап, көзбен табысты. Екеуі де ауыздарына дым тәттілшігімен жайсыз тиетін бір зат түскендей болып, езу тартып кулісті. Іштей: мұның аты “шырга!” десті. Тегінде Файшаны гүбірнедегі оқығандар “шешесі татар болса керек, толық қазақ емес” дейтін де сөздері болатын. Бірақ Файша қазақтың өз қаны екенін білдірмек болып, қазақ әйеліндегі табиғатты жаңа көрген танысының бәріне дағдылы бір машиғы сияқтанып айта беруші еді. Мактанушы еді. Әркімге әртүрлі сөйлем көрген Файшаның бұл шынында бір әдісі еді. Фаббас әлі күнге Файша сөзіне өзге жолдастарындау сұық, сынмен қараған жокты. Сондықтан әлгі сөзіне орай ғылыш:

— Олай болса, менің долбарым теріске кеткен жоқ еken. Расында, екі-ойлы болып келген екенсіз той. Бірақ бүгінгі күн өзге күндердей болmas. Жалықтырмас деп сенейік! — деді.

Файша тұбі көрініп жатқан саяз судың жайдастап акқан ағысы сияктанып, жеріне жетіп қалған кісіше, Фаббасқа ұғымды боларлық күлкімен бетіне қарап ұзақ күлді. Бұл кезде Фаббас та қоса күліп, Файшаның күлген пішініне ерігендей көзben көп қарады. Файша пішінді әйел еді. Бұнда ең алдымен қазақ әйелінің көбіндеге кездеспейтін биік, сұлу дене бар. Толық етті, ақ жүзді әйел болатын. Ашық мойны бұғакты, жұмыр сұлу еді. Бет тұлғасы да, аз кесектеу келсе де, сүйкімді сұлу болатын. Көзі қой көздеу, бүйраланған қара шашты еді. Сәнділіктің орынды шартын білген әйел майдың ақ жібек киімін кигендеге қара шашы мен ақ денесіне қай қазақ жігітінің болса да көзі еріксіз тоқтайтынын білгенді. Әйелді сыртқы көрінісі мен жарастық жағынан бағалайтын Фаббасқа Файшаның ендігі пішіні тез әсер еткендей болды. Файшамен күлкілі қалжыңға араласқан сайын, Фаббас қазақ жігіттерінің бұрынғы барлық сезін естен шығарып, ұмытуға айналды. “Кім біледі, әлде ол қазақтың өсекшіл табиғатынан шыққан бір сөздер шығар. Ол үшін мына сияқты қазақ қызынан тартынудың орны жоқ” дегендей болды. Осы қалыпта бірер сағаттай екі жасты жалықтырмаган қызықты қалжың, көнілді әңгіменің мезгілі өтті.

Бұл уақытта Мәдінәнің қасында қалған екі жігіт Мәдінәдан айрылып, өз беттерімен бір азырақ әңгімелесіп жүріп, аяғында: “Файша мен Фаббасты

табыстырдық; Мәдинә бізді тастап кетті. Ендігі жүрісімізде не мағна бар? Бүтінгі бақша бізге ырза шығар, енді қайтайық” десіп, кетіп қалды.

Мәдинәнің бұлардың қасынан кетуіне себеп болған нәрсе бұл жігіттер компаниясының көңіл-сіздігі еді.

Мұның екеуінің де үйінде қазақ қатыны болатын. Және онсыз да, татар әйелімен бұрын үйлесіп, жақындастып көрген адамдар емес еді. Екеуінде де әйелмен оңай үйлесетін, өсіресе бақша ішінде үйлесетін мінез жоқ-ты. Табиғаты ауыр адамдар.

Оның үстіне Мәдинә қастарында қалғанда, бұлар бозбала міндетін атқарып, оны көңілдендіріп, күлдіріп отырудың орнына, өзара тұспалмен сөйлесіп, әркім-әркімді қағытқандай болып күлісе берген соң, Мәдинә қарсы келе жатқан бір totашты көріп: – Райхан! – деп, қазақтың екі көңілсіз жігітінен құтылғанына қуанғандай, бөлініп жүтіріңкіреп, күліп кетіп қалды.

Екі жігітке кетерінде кош деген сөзді де айтқан жоқ. Шешесін көріп талпынып жүтірген жас баладай, кетіп қалған. Мыналар сын тақлай-ақ қала берген.

Арттарында ауыр көзбен қадалып келе жатқан екі қазақ жігітінен құтылған соң, Fайша мен Fаббас та бұрынғысынан гөрі жазылыңқырап қалып еді. Бұлар біраз жүрген соң, бақшаның буфетіне кіріп, кешкі тамақты жеп, азырақ жеңіл арақты ішіп шықты. Бұл кезде бақша тіршілігі бүтінгі кеште боларлық барлық қызудың төріне жетіп еді. Әншейінде кең көрінетін аллейге жұрт зорға сыйып, сендей болып сіресіп-тұтасып, қалың

толқын болып ыргалып өтіп жатты. Сансыз көп тілмен әр алуан құлкі бақша ішін жазғытурымғы жыршы құстар мекеніндей көрсетеді. Бірде екпіндеп, бірде құмарлықпен үзіліп, кейде ерекше сезімділікпен ыргалып, толқынып, бақша музыкасы ойнайды.

Буфеттен шыққанда көп уақыт өтіп жатқан жүртқа қарап отырған Файша Фаббастың екі жолдасының кетіп қалғанын айттып құліп: “Біздің келісе алмайтын жігіттеріміздің бірі – осы екеуі” – деді.

Фаббас себебін сұрағанда, Файша азырақ қолдан жасаған мұнды пішінмен:

— Маған әртүрлі болымсыз себеппен сырттан жүріп наразы болатын жігіттер бар. Эйтеуір тіршілік дегенниң өзі де бірге – жағып, екіншіге жаққызыбайтын бір дерптің қой. Жазықсыз болсан да, жала, өсек, орынсыз қиянат деген нәрсе казақ баласының көnlінен табыла береді. Негылған таусылмайтын жаулық екенін білмеймін! – деді.

Бұл сөз бұрынғы құлкі-қалжыннан гөрі, әңгімені енді аз мұн мен наз араласқан нәзік жылы сырға қарай ауыстыруға себеп болды. Сондықтан екі жас буфеттен шыққан бетімен көnlіндің көзірігі күйі мен сезімді әңгіме жетектеп, үлкен аллейден тарайтын бір қаранды алейге түсті. Бұл кезде екеуі қолтықтасып алған еді. Буфеттің басқышынан түсерде Фаббас жас әйелдің нәзіктігін қошеметтеп қадірлеген пішінмен қолтығынан сүйеп түсірген. Сол бетпен қолдарын алыспай, акырын сүйенісіп жүріп кеткен.

Қаранды, қоңыр көлеңкелі, мұнға батқан сыйбыр мен сыр аллейі үлардың көnlіл күйіне күй

кости. Файша сөйлеген өмір жүдеулігін Fabbас та бірталай уақыт қостаған түспен мақұлдан өңгіме ғылыш келіп; аяғында, Fайшаның жұмсақ білеғін қолтығына қысынқырай құрсініп:

— Рас, өмір жүдеу, кімді де болса мәз ғылар қызығы жоқ. Бірақ оның толқыны бойды билеп жеңе берсе біржолата тұқыртып әкетеді. Сондықтан анда-санда сұлу сезім отына берілгендей бір ұмыту болмаса, үнемі уайым-қайғы тіршілік емес. Сүр өмірдің ішінде күншуаққа шыққандай бол, анда-санда сезім күніне жылыну да керек емес пе? — деген.

Бұл сөз Fайшаны құлдіріп, бұрынғы көтерінкі көңілді күйіне қайта әкелді. Fайша басындағы сезін “жоқ, ол орынсыз” деп дауласатын кісіше бастаса да, аяғында, өзін-өзі әдейі ату жерге әкелген анғал андай болып, Fabbас бір сөз айтса — жеңіліп қалатын жерге келді. Алғашқы қарсы болмақ болыш айтқан сезідәлелсіз, мағнасыз, онайғана ұтылатын сез болды...

Содан кейін бір сатыда: рас, адамның өмірі жылынатын күншуақ іздейтіні рас, — деді.

Fаббастың көптен күтіп, нысанага алған жеріне Fайша құлкі, қалжын, құрсіну арасында созылып келіп, жаңағана жеткендей. Жас жігіт енді бір караңғы тогайдың түбіне келіп тоқтап, Fайшаның екі қолын көтерінкіреп ұстап, қарсы алдында тұрыпты, көптен дайындаған анық тілек, шын мақсатын айтты.

Басы мен аяғы анықтап дәлелді болып құралмаса да, анда-санда арасында шешен сездер арасында келіп, шын сезімнің тілі сиякты айтылды. Аз дірілденкіреген дауыспен бірге, буынды алған ыстық сезім лебі де білінгендей болды.

Жазушы жігіт өз сөзіне, бір мүйнетке болса да, шыным деп сенген жүрекпен сөйледі. Даусына діріл кірді.

Ол ішкі сырын сүйемін... құмармын... тілегім, үмітім... деген сияқты ыстық сезім тілімен бітірді.

Сол сөздер Fайшаны өзгертер, толқынтар де-ген сеніммен айтылған, Fайша бірталай нәзік сөзді естісе де бұрынғы қалпынан көп өзгермеді. Fаббастан да бұрынғы көп естіген сөздерінің бірін ғана қайта естігендей болып, тағы күлді. Бірақ ендігі күлкісі: “олай болса, – несі бар, бөгет не?” – деген сияқты.

Fаббас алдынғы сөзі босқа егіліп елжіреген сөздер екенін сонда байқағандай болса да, тас-қындаған құмарлықпен қыздың екі қолын өз иығына артып, мойнын құшақтатып, өзі де көптен асыққан құмарлықпен қатты қысып құшақтап, Fайшаның күліп тұрған аузынан ұзақ уақыт сүйіп тұрды. Бұлар көпке шейін тілге келмей, құмар-тып қызған денемен, ыстық демалыс, асau ашық сезіммен көп сүйісті.

Жастар бойын буган құмарлықтың толқыннын босағанда, тұн ортасынан ауып қалып еді. Сол көлеңкелі күңгірт аллейден өлі де шыққан жоқ. Музыка Fаббас женген майданды құттықтағандай болып, құмарлық күйін ойнап жатты.

Қыз бен жігіт ашық сөз бен айқын сырға беті ашылған қалыппен ендігі қалған уақытты дамылсыз сүйіспен, ақырын сыбыр, тәтті сөзбен өткізді.

Бұлар бұрынғы перделеп, бүркеп сөйлейтін сөздің бәрін енді атын атап, ашық сөйлеседі. Ендігі сыбырдың ішінде құшақтасып, иықтарымен сүйенісіп келе жатып, бір кезде өмірдің қызық

шагы – махаббат күншугағын сөз қылды. Кейде сүйіскен өмір – тіршіліктің барлық мағнасы деген де сөз болды. Кейде жай өмірдің қоныр жүдеу болып, көнілдерін жұдетіп құлазытатыны да айттылды. Қазақ қауымының “қиянатшы өсекшілдігі” де сөйлейді. Бұл сөздердің барлығы да Файшаның бастауымен, соның әнгімесінен туып отырып еді. Барлығына Фаббас түр қосып, дәлел тауып, Файшаның барлық сөздерін түгелімен макұлдалап, костап жүрді.

Осы сияқты шын сезімге байланып, құмарлық уытымен боялған ұзак әнгіменің ішінде бір уақыт Файша ендігі достық түбегейлі байлаулы достық болуын тілегендей болды. Есті әйел бұл тілегін олақ қылып айтқан жок. Олактық бұл сөздің дәл бүгінгі түнде шұғыл туып қалғандығында болмаса, айтуында орынды болды, келістірген еппен сөйленеді.

Басында Фаббас әртүрлі көмескі сөздермен бүркей жауап берсе де, артынан бір ашық сөз сөйлеу қажет болғандықтан, бұл сөздің шұғыл келгендігін айтып ойланбақшы болды. Фаббастың бүгінгі сезіміне Файшаның соңғы сөзі тәттіге аңыны араластырғандай тиіп еді. Бірақ әлі Файша бұған қымбат, әлі де сұлу, жақсы әйел, соңдықтан жас жігіттің көңіліндегі сую мен құмарлық мынадай аз бөгетке қарап кеміген жок.

Файша көпті көрсө, Фаббастың да бұл алғаш көрген әйелі емес. Талаймен талай түрде кездессе де, көпшілігінен осы сөзді естіген. Бірақ олардың көбі Файшадан епті, орынды ғылып айтқан емес. Файша әншайіндегі көп әйелдей айтса, Фаббас та дағдылы бір жауапты бере салар еді.

Кейде Фаббас: бір көрген жерден “ал” деп айта қоятын қалтада дайын тұрған неғылған байлау? Олай болса маған да сонша жауап парыз-қарызы жок деп: “аламын” деген сөзді де айтып салып, бірталай жерге әйел де, өзі де сүйретіліп барып қалушы еді. Бірақ бүтін Файшага оны істеген жок. Бұл Файшадан тілегі бітіп, құмарына қанып болғандықтан емес, Файшаны шындаپ байқап, ойланып көріп, дәл баға бермек болған мақсатынан туып еді. Файша есті сөз, сұлу пішін, сезімді сұлу дене, ыстық құшак, ұзак сүйісімен Фаббастың бұрынғы жеңіл бағалайтын әйелдерінен көп артық, көп маңызды саяқтанып еді.

Бұлардың әңгімесі алғашқы сүйіс уақытынан бастап, бір уақыт қызулы сыйыр күйінен солғындаған жок еді. Кейде біріне-бірін тартқан сезім бұлардың әңгімесін үзіл-үзіл те кетеді. Онда жас жігіт қыздың бет-аузы мен көзінен сүйгенді қанағат қылмай, барлық толық сұлу денесін құмар құшак-пен сипай қысып, ашық мойны, кеудесінен, білеғінен де жабысып, ұзак-ұзак күйдіре суюші еді.

Осы сиякты халдін ортасында таң ағарып атуға айналғанда бірін-бірі шынымен құмарланып сүйгендей күйге жеткен жігіт пен қыз тогайда жаңа оянған торғайлардың алғашқы жырларын естіп келе жатып, бақшадан шыкты. Таңың қырындап соқкан салқын желі бар еді. Жібек киімнін етегімен бұралып-ойнап келеді. Кейде алдынан қарсы келген жел Файшаның толық жұмыр кеудесі мен сұлу етті сандарын жіктендіріп, білгізіп қояды.

Бұл Фаббастың көзіне ілінбей қалған жок. Файшаны жұмыр белінен қысып құшактап,

жүрісіне бөгет қылып тоқтатыңқырап келіп, бір тілек айтты.

Жастар Fайша тұратын үйдің алдына келіп қоштасуға айналғанда, екеуі де бүтінгі түнге толық ырза болған пішінмен ертең осы үйде көріспекші болып айрылып еді.

Арада бес күн өтті. Бақшада болған күннен соң, үш күндей Fаббас Fайшаның пәтеріне айтқан уағынан қалмай келіп тұрган. Ол соңғы келгенінде ертең тағы келмек болып кетіп еді. Бірақ ол күні келген жоқ.

Кеше болмаса, бүгін келуіне қысынды еді. Fайша кеш болуга айналғаннан бері қарай өз бөлмесінде жақсы көрген жігітін күтіп отырды. Бүгін де бұрынғы келетін мезгілінен өтіп барады. Кеш батқанына бірталай болды. Жақсы жиылған кішкене үйдің іші қараңғыланып келеді. Шам жағатын мезгіл де алдақашан болып еді...

Бірақ Fайша сөнді жиылған тәсегінің үстінде коныр тартқан бейуақытта мұнды оймен сарылған кісідей болып, Fаббасты күтіп жатты.

Мұның көnlі Fаббасты жар ғылуға алдақашан-ак үйғарып, қабылдан еді. Бірақ сұлу сезім, ыстық құшақ иесі сұлу жігіт өлі күнге келмейді. Келсе, тәсектегі Fайша жатқан қалпынан тұrmай-ак, аз көтеріліп қарсы алар еді. Көзіргі кішкене үйдің ала көленкесінде қасына отырғызып сүйер еді, қысар еді; жібектей жұз бұралып, кешегі, алдыңғы күндердегі сүйген жігіттің ыстық демін сезіп, тал бойы игендей болып жатып, тәтті тұс көре, көзін жұмып қалғыр еді.

Кішкене сүйкімді бөлме... Қыздың тәсегі... Ала-көленке кеш... Сүйгенін күтіп сарылғандықтан,

жастығын құшақтап жатқан қыз... Жұмсақ ақ де-не... Толқынды қара шаш мынау... Осының бәрі рас болса, жас жігіт қайтып қана кешігеді? Таныс болғаны анада ғана... Неге ол тынымсыз келіп, мазасын кетірмейді? Әлде бұл да сүйнган жансыз ба? Әлде бұл да қызыл гулді жұлып алғанша ғана қызығып, алған соң, бір-ақ ііскеп тастай ма?.. Әттең қазактың салқын көңіл сұық жігіті-ай!.. Жүргегінде от сезімнің лапылы жок. Бәрі де жанға сөлекет тиетін тарамыс-ау! Болсаң еттің бас-калардай!.. деген ой келгенде, Файшаның көз алдынан ұзынды-қысқалы денелерімен тоғыз жігіттің суреті елестеп өтті.

Бұл ұзын саны еді. Бұлардың ішінде естен қалмастың қымбаттары да бар. Басында Файшага екеу-үшеудің суреті таласа келді. Өткен күннің елесі кәзіргі көңлін әбден жеңіп болмаған жас әйел қайсысына тоқтарын анықтап таңдай алмай тұрғанда, олардың бәрін кейін шегергендей болып, бір салқын ой келді.

Ол ой: әлде сол күнә сүмдүғымнан ба? Солар үшін бұл күйге ұшырадым гой. Әйтпесе қазактың талай қара қызы теңін тауып кетіп жатыр. Мен әрі оқығанмын, әрі бәрінен артықтын. Неге әлі күнге менде күйеу жок? Өн ескіріп барады. Жылдан-жылға өтіп келеді. Алдақашан мен үй иесі болуым керек. Мен картаймақпын ба? Кәрі қыз болам ба? – дегендеге Файша бұл ойдың пішіннен шошып кеткендей болды. Көзінің алдына, бетіне әжім тускен, екі жағы солған... Шашына ақ кірген, кейбір тістері кетіген, туғаннан шашының ағына шейін қурап, жалғыз өзі сүйретіліп келе жатқан сар далада, елсізде құлазыған моладай

жалғыздық көрінді. Файша бұл ойға тегінде бүйтіп көп тереңдеп бара алмаушы еді. Өзін аятын. Сондықтан қазіргі жүдеу көңілді үдетпей басып тастап, бұрынғы кездерде көnlіn тербеткен адамдарға қарай ойын жылытып, ауып кетті.

Әуелі ең алғашқысы... Ол кезде Файша гимназияның үшінші я төртінші класында еді. Жасы 14-15 шамасында болатын. Онда бүгінгіден әлдекайда сұлу, әлдекайда ажарлы еді.

Жас жүректің қомағайлығымен өмір сусынын қана жұта алмай, асығып діріл қағып, алдынан белгісіз қызық қүтетін. Ондағы қиялды мен бітімсіз зор тілегі келешектегі күндерден ертегінің алтынды сарайларын, күміс бәйтерек, күміс бұлақтарын тілейтін. Сұлулығы жаздығұнгі сағымдай, алтын айдарлы жақсы жарды ойы суреттеуші еді, Файшаның ондағы сұлу жүзі мен жас денесінің уыздай аппақ, толық, нәзік көріктілігі өмірдің болымсыз аз сыйына қанағаттанбайтын сияқты. Ол күнде ақ жүзінде махабbat құн шуағындей болып, қызулы тіршілік белгісін білдіріп, қызыл қан ойнайтын.

Тұрган пәтері бай татардың үйі еді. Файша тұрган үйде ол үйдің жақыны – татардың бір бала жігіті болатын. Оның жасы 16-17-де. Ол да гимназияда оқиды, жасына қарай, Файшадан бірер класс ілгері болатын. Өзі сұлу денелі, қызыл жүзді, қара бүйра шашты, қара көзді, өте сүйкімді жас жігіт еді.

Бұлар бірер айдай бірге тұрган; сабакқа бірге барып, кайтарда бірге қайтып жүретін. Жас жігіттің аты Фазиз еді. Ол сезімді нәзік жігіт. Аз үялшақтығы болатын. Көп замандай Фазиз ішіне мұнды сұлу сыр жасырғандай болып, үндеңей қорғанып, құрсініп жүрген-ді.

Бір күні бүгінгідей бір қоңыр кеште, ала көлеңкеде екі жас Файшаның бөлмесінде көнілді әңгімелесіп отырып, аяғында, ойын арасында бір нәрсеге таласып алысқан-ды... Екеуі оңаша үйдің ішінде жүтіріп: бірі қашып, бірі қуып, дауыстап ойнап жүріп, аяғында Фазиз әлділігін ғылыш, Файшаны төсегінің жанына келгенде белінен құшақтап әкеліп жыққан. Файша жінішке дауыспен шыңғырып, сақылдан күліп жүргенде, ыстық леппен күлген сұлу еріндері Фазиздың сол беті мен мойнынан қанды қайнатып, сырғанап өткен. Бұл қозғалысты Файша алыс үстінде байқамай істеп еді. Бірақ жас жігітке мастық уын ішкізгендей тиді. Файша сол күлген бетінде түрекелемін дегенде, көптен құмарлық женген Фазиз сұлу қызыды қатты қысып құшақтап тұрып, ып-ыстық бетінен сүйіп-сүйіп алған. Мастық, женіп сүйіп алса да, бұл іс казіргі секөнтте өлім халімен бірдей боларлық, ауыр уақыт еді. Екеуі де келесі секөнтті “енді не болар екен?” дегендегі күдікпен, қалтыраган жүрекпен күтіп еді. Ыстық бетіне сұлу жігіттің дірілдеген ерні тижен уақытта ғана барлық, ойынның магынасын үкқан Файша басында үні өшіп тына қалып, ешбір қарсылық көрсетпеп еді. Сонымен бір сәтте Фазизді мойнынан қатты құшақтап қысып, бұл күнге шейін күнәлі болып көрмеген екі таза еріндерін асығып келіп табыстыруға Файшаның өзі басшы болып еді. Көленкелі қоңыр кеште ұзақ сүйіс, оттай ыстық демалыс... үнді өшіріп, бойды үйытқан құйындар күтырған жастық... жалындаған ыстық құшақ... Үзіліп-үзіліп қана шығатын бір ауыз, жарым ауыз болса да көп мағыналы сөздер. — Ыстықтадым...

ауыртып сүйесің... у-у... деп күрсінген сияқты қысқа-қысқа белгілер... басы осы еді... "Тотына-маның" алғашкы бір бұтағы осымен басталатын. Арғысы онан да... онан да әрі ұзақ қызық еді.

Бұдан кейін екі-үш жыл өтті... Арада Фази-ден басқа екі нәмір өтті... Бұлар қазақ жігіттері еді. Біреуі босаң, олақтау шәкірт еді, ол биши болатын. Бірақ Файшаны күннің көзінен де қызғанатын болды. Өзінде өткір қылық аз болса да, сүйісуі мен құмарлығы тым мол болып, таусыл-майтын ұзақ ертегі төрізденіп жалақтырып еді... Екінші қызметте жүрген, кексе тартып қалған, жақсы киініп, жақсы майланатын құлығы, орамы мол құлдіргілеу жігіт еді. Оның алдауы мен шырғасы көбейе берді... Сондықтан Файша одан да жалақты. Бұл екі жігіттің алғашкысын Файша дерпті қылып тастанап еді. Соңғы айырылғанына киналмаған сияқтанды. Бұлай болғаны жас қызыды бұрынғылардан гөрі аз өкіндіріп кетті.

Бұдан соң тағы бір жыл өткенде 17-жылдың өзгерісі болды... Өзгерістен бір жыл бұрын сабағын бітірмесе де, Файша оқудан шығып, салт бойжеткен болып жүр еді. Оған бұл кездерде үнемі досты іздейтін, түбегейлі жарды керек қылатын мезгіл жетіп еді... Файша бұдан бір жыл бұрын соңғы қазақ жігітімен жүргенде-ак күйеуге тиуюң әңгімесін ойладап еді. Сабактан шығуына, бір жағынан, сол да себеп болып еді.

Бірақ соңғы жігітпен үйлесе алмады. Сондықтан келешектен одан гөрі артығырақ қызық күтіп қала берген...

Февраль төңкерісінің алғашкы – жиыны, дырдуы көп күндері болыш жатқанда, Файша да қазақ

жиындарында болып жүрді. Тілмаш пен шолақ төрені тұлпар санап, жауырды жаба тоқығандай бол исі оқыған қазактың бәрін бірдей керегіне жаратпақ болған бул төңкеріс Fайшаны бірталай аспандатып көтергендей болды. Fайша облыс жиналысында әйел атынан құрметті өкіл болды...

Әрбір жерден келген ел жуандары болса да, шеттеп келген қазақ оқығандары болса да Fайшаны “оқыған қазақ қызы” деп қадірлеп, көркі мен сыртқы қалпын тамашалағандай еді... Бірақ сол кунде де Fайша әлеумет қызметкерінің орнынан да, ақ жағалы, иіс майлы бозбаланың құшағына көп қолайлы бол шықты.

Fайша өмірінің бұл бір өзінше жанды, қызулы кезі болған. Гүбірненің съезіне бұны өзі туган үйезі өкіл ғылып сайлаған. Сондыктан, үндемей жүрсе де, съезд жиынтынан Fайша қалған жок. Бұл кез қалаға қазақ оқығанының әр алуаны жиылған кез еді. Оқуда журген бірен-сарап студенттер келген. Үлкен оқу бітірген доктор, адвокаттар, тағы сондай ірі деп саналған қазақ азаматтары келген. Белгілі газет жазушылары да болатын.

Fайша съезд мәжілістерінде болғанда, осылардың бәрін де үнатқандай болып, ішінен өзіне жақсы пар болар дегендерін іріктеі, таңдай жүрді. Әрқайсысының әртүрлі қолайлы қасиеті бар. Кейбірі сөзге шешен, мәжілісте қадірлі, мактаулы жігіт. Кейбірі пішінді және көрнекті сұлу киінген; тағы біреулері елдің болыс, би, қажыларына ертеде өткен әлдеқандай еңбегімен аты шықкан, солардың мактап көтерген адамы.

Басында Fайшаның өз көnlімен үнатқандай болып қадірлегені осы съезде көзге көрініп, ерекше

шешен, білімді деп аталған бір студент еді. Бұл суырылған, жалынды жігіт Қасым болатын.

Қасым трибунаға шығып, лапылдата сөйлейтін, ағын судай көзді алдағыш шапшандығынан басқа, жай өмірде де күлдіргі, сүйкімді бозбала еді. Басында бұл Файшаны қадірлеп, алдандырып жүретін кісі сияқтанды. Әрқашан мәжіліс арасында көп ішінде Файшаға ерекше ықылас бөлгендей болып, күліп келіп қалжындал, әртүрлі жайдан әңгімелесіп қоятын. Файшаның бұрынғы көріп жүрген жігіттерінің бәрінен Қасым бөлек еді. Олардан бұның атағы да, орны да артық. Оның үстіне қалжыңшыл, ашық, орамды. Жас қыздың өз көңлінде қиял қылғандай болып жүретін, өнерлі қауымның бір ірі адамы сияқтанағып еді. Сондықтан, Файша “менің іздегенім осы шығар” деп, бұған жабыса жақындастып еді. “Қасым аға” деп өзгеден бөлек қадірлегендей болып, әрқашан Қасым сөйлеген сөзді өзгенің бар сезінен орынды, дәлелді көріп, дауыска салған даулы сөз болсада – соның жобасын қуаттап, Қасымның әсерімен бірталай жерге шейін өлеумет жұмысының ағымына да төселип қалғандай болып еді.

Бірақ Қасымның бұған жақындаған қалжыны мен әңгімесі ұзакқа бармайтын сияқтанды. Ең алдымен оның алмақ болып жүрген қалындығы бар болып шықты. Оның үстіне, Файша күннен-күн өткен сайын, әншейін жолдастық жүрістен гөрі істі үлғайтып, Қасымның бауырына кіріп бара жатқан сияқтанды. Бұл Файшаның ереккекке ең алғашкы рет өзі жабысып көргеннің басы еді. Онысы, акырында, жолсыз талап болды.

Аздан соң Қасым өз бетімен кетті. Файша үзілген үмітпен аз уақыт ынғайсыздау халде жүріп барып, артынан тез оңалды.

Үміт көзі екінші, үшінші қатардағы жігіттерге қарай ауысты. Олардан да көңіл сусыны қана алған жоқ. Сонымен өзгерістің алғашқы бір жылы етті.

Бұл әредікте Файшаның екі досы болды. Біреуі жасы 35 шамасына келген, үлкен оқыған жігіт еді. Мұнымен Файшаның жүрісі жарты жылға созылған ұзак жүріс болды. Бұлар біріне-бірі түбекейлі жақындықпен қосылмақшы да болды. Бұл халді гүбірне қазағының бәрі құлақтанып, екеуіне де “қайырлы болсын” айтып жүргені де болған. Файшаның бұл жігітінің аты Мұқан болатын. Бірақ ол үлкен оқыған деген аты ғана болмаса, өлгеніше өнерсіз, жабайы көптің бірі болды. Оның үстіне, қызғаншақтық сияқты неше түрлі дерпті әдеттері білінді. Мұқан мен Файша бірталай уақыт бірі алып, бірі тиетін кісі сияқты болып барып, аяғында, болымсыздан ашуланысып ұрыс шығып, екі айрылып кетті. Бұл уақытқа шейін Файшаның көнлінде қызықты жарды таңдау әдеті жоғалған жоқ еді. Ол өмірден де әлі де бүрынғы қалпынша көп тілеуші еді. Сондықтан Мұқаннан айрылып кетсе де, бұл оқиға алдыңғы бағына ешбір кесір тигізбейтіндей көрініп еді.

Файша мен Мұқан айрылысып кетті. Бірақ бұл айрылысу жас қыздың абыройына елеусіз болып, әсер етпей текке кеткен жоқ. Файшаның айрылысарадағы есебі тәжірибесіздік болып шықты. Қазақ қауымының дағдысы мен әдетін білмегендік болды. Бұл күнге шейін де Файша жайын

сырттан сөз қылушы қызыл ауыздар бар еді. Файша өз көnlінде ешкім бөтен сөз айтып сына-  
мас, білмес деп жүруші еді. Мұқаннан айрылған  
күні гүбірнелік қаланы Файшаның алғашқы жа-  
манаты басып кетті.

Жалғыз Мұқан емес, бұның алдындағы сыр-  
лар да неше алуан болып сөйленіп, ашылып қал-  
ды. Кейбір жерлерде Мұқаннан өз ықтиярымен  
айрылышса да, оны білген сон, оқыған жігіттің  
өзі тастап кетті деген сөздер болды. Бұл оқиғаның  
түсінда Файша өмірінің ең әділ сыншысы бол-  
ғандар “Файша әзірше күйеуге тимей, еркін жүріс-  
пен өмір қызығын көре түсемін деп айтады екен”  
деген сөздерді шығарды.

Қалайда болса, ел аузына аты ілініп қалған  
әйел, қасында ерекк қорғаушысы жоқ болған сон,  
өсекшіл қауымнан онды-солды соккыны көре  
бастады. Басында намыстанип жылап, әркімге  
шағып актығын айтып көріп еді; оның да пана-  
лығы болған жоқ. Ендігі жұрт Файшага белгілі  
сынмен қарайтын болып өзінің нық, байлауын  
жасағандай, сұық қарай бастады. Файшаның  
бағасы өзгерістің алғашқы күндеріне қараған-  
да, күннен-күнге төмендеп, түсіп бара жатқан  
сияқтанды. Бұл хал сырттағы жұртқа бұрын көптен  
мәлім болса, аз заманың ішінде Файшаның өзіне  
де анық сезілді. Бұдан соңғы екі-үш жыл сол бет-  
пен күннен-күнге кадірін түсіріп, басын кеміткен  
жылдар болды. Файша расында жылдан-жыл өткен  
сайын төмендеп бара жатқандай болды.

Соңғы жылдар ішінде тағы да үш-төрт жақсы  
тансысы болды. Бұлардың ішінде қазақ болса,  
Файшамен қызығы тез басылып қалатын

жанарсыз жандар болып, орыс, ноғай болса, қызығы әлдекайда ұзаққа баратын еді. Осы соңғы санның ішінде Файшаның өуелі жақындарындай толқынтып қозғау салып, көп қуантып, көп қыздырғаны да болып еді. Бірақ әлденеден екені бойжеткен қызға мәлім емес, әйтеуір солардың бәрі де баянсыз болып, өткен дәурендей қайтып оралмай, жылжып өтіп кетіп жатты. Бір кезде тәтті болған жақындары сол күйін көксеп кеп: ыстық, қызу, қуанышты жүрекпен бұны қайта айналып, тапқан емес.

Бүтінгі қоңыр кеште сол өткен күннің әртүрлі шағын есіне алып, мезгілі кеткен дәуреннің қызыл-жасылды суреттерін аралап жатқанда, Файшаның көнілі соңғы санның ішіндегі бір адамға тоқтады. Ол сыртқа шығарып айттып, жырдай қылып суреттеуге қолайлы да адам емес еді. Бірақ жалынды оты басылуға айналып, солғындау тартқан жүрекке дене қызығындай ашық қызықты мол қылып берген сол адам еді.

Ол гүбірнелік қалаға келген бір цирктің ба-  
луаны болатын, Мұқанмен аз жүрісінің уақытында  
Файша өнерлі қауымның көсілген молдығы мен  
қызықты желігін де көп көрді. Сонымен бірге  
жалаңаш құмарлықтың да бетін ашып, соның бар-  
лық мауыққыш, елтігіш тұлғасын көріп шықкан-  
дай болды.

Толық, жуан ақ денелі, сұлу келген бас ба-  
луан Файшамен таныс болғанына екі-үш құн  
өткен сон, бір түнде қызды арбакешке отырғы-  
зып, гүбірнелік қаланың өздері жатқан жақсы  
нөміріне алып келген. Екеуі түн бойы үйкіта-  
май отырып, неше түрлі жақсы аракты мол мас-

тыққа шейін ішкен. Файша бұл сырын өлгенише жасырын ғылыш үстамақ болса да, артынан білініп қалып еді. Ол тұн Файшаның онсыз да осал жібін біржолата еркінше көсіліп босатқан тұні еді. Ол цирк ойыншыларының баяғыдан танысы болып, бірге болып ойнап келе жатқан қыздарындай ашылып кетті.

Мас балуанның жүрттан бөлек денесі мен өскелен қылыштарының бәрі де бұрын нәзіксініп жүрген қызға елден ерекше бір қызық сияқтанды. Алып денелі балуан өзі де жалаңаштанып алды, мұны да еркіне қоймай, ойнап-куліп жүріп жалаңаштап, екі колына кішкене балаша көтеріп алды қысып, сүйіп, ойна келгенін істеп, жүгіріп-ойнап жүрген уақытта Файша бұрын өзі көрменген үлкен сұлу аңмен тақсықтық қылыш, еркелеп ойнап жүргендей болып еді.

Ол тұндер асau мастық... жалаңаш құмарлықты мейлінше қандырған бір тұндер болып еді. Өзге көптің ішінде оның да мезгілі өтті. Бұл күнде ол да бір алысқа кеткен шақ болып жоғалды... бітті... Ол тұндердің арты қазақ қауымы жағынан Файшага тағы да теңіз толқынындай үлкен соққындарды алып келді. Бұл нөмірдің арты Файшаны ел көзінде біржолата басып, төмендетіп тастағандай болды. Ол қызығы үшін Файша өзгені қойып, өзінше жүретін баста таныс әйелдерінен де көп ренжітерлік сөз естіді.

Кейбір қазақ жігіттері елде жоқ қаталдықпен Файшаның қылышын бетіне айтып, үялтуға айналды. Сондықтан ол соңғы қылышының ізін бастыру үшін, бір үйездік қалаға кетіп қалып, бір жылдан аса сонда жүріп еді. Бұл уақытта

күйеусіз тіршіліктің күні қаран екеніне әбден көзі жетті. Өзінше көп ойланып, көп толғанған кісі сияктанды. Сондыктан енді күйеу дегенді ерекше дерттілікпен іздейтін күйге жетіп еді. Бұл замандағы Файшаның күндіз-түні ойлайтын бар арманы, бар қайғысы сол еді. Сонымен “көк етікті кез келмей, көн етіктіні көзге ілмей” жүрген хал Файшаның басына бүтіннен көп бұрын туып еді. Қайда барса да бір басын өткізе алмагандай, барлық адам баласының қауымында жалғыз басы сыртқа қағылып, керексіз болып қалған адамдай еді. Гүбірнелік қаладан екінші үйезге кетіп бірталай уакыт өткізгенде, Файша осы халдің ауырлығы мен қайғылы жүдеулігін көп сарылып ойлап шықкан. Енді көкейді тескен арманға жету үшін, бұрынғы өзгемен тең бағалы болған дәуренді қайта табу керек. Гүбірнелік қалаға барып жаңғырып келген кісі болып, бұрынғы қалыптан өзгергенін білдіруі керек. Кім біледі, әлде бакыт жүзі бұған да қайтадан бір бұрылар... Ағарып жүдеп атқан таңдай, қызыарып балқып батқан алтын шапактай бұрынғыша тәтті сұлу жыр, қалғытатын ертегідей болмаса да, екінші түстегі бір қызық шак қайтадан оралар...

Осы сиякты үміттермен Файшаның гүбірнелік қалаға келгеніне үш ай болып еді. Гүбірнелік қала басында үн демей, жыбырламай, сынау үшін іштен тынған жандай болып, Файшаны жақсы момын пішінмен қарсы алды, Файшаның да енді гүбірнелік қалаға ғелген әркімге өзінің ендігі жайын сездіріп, түзелгенін білдіргісі келді... Сондыктан да ол сауық кештерде қазақ сахнасына екі-үш рет шығып көрді. Файша ойыншы жастарға бастық

бала жүріп, ағарту жолына қызмет ете жүріп, мүмкін болғанынша, қызы жақсы болып шығатын пьесаларды таңдап қоятын. Негұрлым қызының ролі ұзынырақ болып, нәзік сезімді қыз героиня болып шығатын пьеса болса, соны жақсы деп есептеп, қазақ жиынына соларды қойып, өзі бас героиня болып екі-үш жол ойнап шықты. Файша сахнаға шығарда киімді пьесаның шартынан сонағұрлым артық киіп, грим-бояуларын да баса жаққызатын.

Екі-үш рет ойын болды. Файшага әркім босаң сөзбен рахмет айтады. Бірақ ұлы өзгеріс сезіл-мегендей, көп білінбейді. Әттең, қазақ қауымы тұнық құні болмайтын лай су ғой; әйтпесе, тым болмаса, өнерге бас иіп, серпілмес пе еді?..

Файша бұл жолы бұл қалада бойын тартып, дәл ұстаган болып жүрді. Ешкіммен жалпылдан ойнап кеткен жоқ. Бұрынғыша көзге түсіп жарқылдал, әлдекіммен көп күліскен де жоқ. Бірақ сонда да губірнелік қала жігіттен жұтағандай. Бар еркегі өмір қызығын тауысып бітіріп, жәрменқесін таратқандай... Күйеу болар жігіттің құлағы да көрінбейді.

Осымен Файшаны сарылтып қажытқан жылдай ұзақ үш ай өтіп еді... Осы соңғы айдың ақырғы күндерінде губірнелік қалаға Фаббас келген. Бұрын атын естіп жүрген Фаббасты өзі тұрған қалаға келді дегенде, Файша соңғы тәуір ойналған сауық кешінің өтіп кеткеніне өкініп еді.

Бірақ ол өтіп кетті. Енді тағы бірдеме ойнатуга қазақ артистерінің құралуы қыын. Сонымен жүргенде Фаббаспен таныс та болып, барынша жақындастып, бүтінгі кештегі халғе келіп еді.

Енді Фаббас қалай болса, Файшаның қазақ жігітіне жасаған ақырғы шабуылы. Бұрынғы жақсы иісті, саялы көп бүтакқа конактамай келгендігі ақырғы қонысы осы болу керек. Фаббас та тұрактамай, ескі дағдыша жылжып кетсе, Файшаның тағы да тауы шағылғаны... Ақырғы жігер, ақырғы жанды үміттің үзіліп, өшіп, сөнгені. Сондықтан бұған бойда қалған өнерді салу керек еді.

Осыны Фаббастың келгенінен бері қарай жұз қайтара ойлад шыққан Файша кешегі күн сүйген жігітіне хат жазып жіберіп еді. Хатты Фаббас алған.

Бұл қағазда Файша жүргегінің қайғысы мен өз өмірінің өкінішті арманын түтендеп, тізіп жазып еді. Файша хатындағы өз өмірінің жүдеулігін, өз басының сүйеу көрмеген жалғыздығын айтқан жерлері шын өкінген жүрекпен жазылған сез еді. Бірақ соның арасында мағынасыз өмірдің жұлдызы, махаббаттан көптен шөлдеп тапқан жалғыз суаты Фаббас болып, онсыз тіршілік қанағат емес болып, жазылған сөздері машық болып кеткен дағдылы өтірік еді. Әсіресе орынсыз кеткен – Татьянаның Онегинге айтқан:

“... Шыныңды айт – кімсің тербеткен,  
Иембісің сақтаушы?  
Әлде азғырып әуре еткен,  
Жаумысың теуіп таптаушы?  
Шеш көнілімнің, жұмбағын:  
Әлде бәрі алданыш,  
Жас жүрек жайып саусағын,  
Талпынған шығар айға алыс?..” – деген сөздері еді.

Бұл жерге келгенде өлусіреген жүрекпен ақырын ғана иек қағудың орнына, Фаббас хатты

бір жолдасына лақтырып тастап, сақылдап күліп еді. Бұл сұлу жыр мына жерде сиырға ертөкым ерттегендей үйлеспейтін, жадагай күй болып сезіліп еді.

Файша бұл хатына жауап алған жоқ-ты. Келем деген хабарын да ала алған жоқ. Сондықтан сеністен айрылып қалған көnlі кейде келуіне сенсе де, кейде сене алмай дал болып, қобалжып қояды... Шыдамы таусылып, қайрат біткен әлсіздіктен кейде жастықты бауырына басып қатты құшақтайды. Бұл уақытта үйдің ішінен ала көлеңке кетіп, қараңғы болып еді. Тұн болып қалған еken. Файша күрсініп, енді түрегеліп, от жағайын деген уақытта үйіне жақындаپ келе жатқан аяқ дыбысы естілді. Файша төсегіне қайта шалқайып, жастыққа басы тигенде, есік ашылды. Қараңғы бөлмеден қомағай көз қадала қараганда, жалғыз келген жігіттің ақ жағасын көріп, жүргөліп лүпілдеп соғып кетті.

Бұл жаңылған жоқ еді. Келген Фаббас еken. Ол қараңғы бөлмеге кіріп, біраз аңырып қалғанда, Файша төсегінен аз көтеріліп:

— Эйтеуір келдің-ау! — деп күрсінді.

Фаббас Файшаның барына қуанғандай болып:

— Файшамысың, барсың ба? — деп есікке қайта айналып бөгеліп: — Файша, есік жабуға рұксат па? — деді.

Кызы бұл сөздің артындағы бар магынаны ұғып, намыстынып күйгендей болып:

— Неге? Не себепті? — деді. Жігіт сасқан жоқ. Салмақпен:

— Екеуміз бірдей бармыз, бізге үшінші кісінің керегі жоқ. Сондықтан жауып қоймасам?.. — деп жауап күтіп тұрды.

**Файша:**

— Оның бержагында не дегелі тұрғаның мәлім той. Маған жалғыз сол мақсатпен келгенше, келмесең етті! — деді.

Бұл сөздің ішінде шынымен құйгеннің де, наздың да белгісі бар еді. Бірақ Фаббас Файшаның басына сенген көнілмен жауап бермей-ак, есіктің шаппасын іліп алыш, Файшаның қасына келді. Келген жерден Файшага “тұрма, жат!” — деп қойып, өзі сыртқы киімін тастап, бірге жатып қалды. Әртүрлі қысқа-қысқа сөз болыш, құмартқан құшақ, ыстық демалыстың ішінде бірталай уақыт өткен соң, келелі әңгіме басталды.

Бұл әңгімеге келгенде, Файшаның даусы да өзгеріп, сөйлер сөзі де шын сияқтанып көбейіп кетіп еді. Ол Фаббастан көптен күткен жауабын тіледі. Кешегі жазылған хат, оның алдында әлдеп неше рет айттылған сөз, бос айта салған нәрсе емес. Оның тиісті жауабы болуга керек еді. Бұл орынды тілек, шын әңгіме еді. Әсіресе ішінде сол дергтен тыным алғызбайтын жалынды шоқ жат-қанда, Файшаның сөз қылуы әбден дұрыс емес пе?

Сондықтан әрнәрсеге аландал, мына сөздің желісін бұза берген Фаббасқа ол қадала сөйлеп:

— Неге байладың? Маған не айтасың? — деген сұрақты ашық қойды...

Фаббас басын қасыды. Сорына келгенде, ол бұл әңгімені ойланамын десе де, өлі тіпті де ойланған жоқ еді. Ол тегінде алу-алмау әңгімесін ойламақшы да емес еді. “Файшага не жауап беріп, осы халді соза тұру керек; қадалғыш қызды не дәлелмен бөгей тұруға болар еді?” Соны да ойланған жоқ еді. Сонда да қарманып көріп, бұрын-

нан қиналып жүрген кісіше курсініп алып:

— Файшажан! Мен осы сауалға жауап беруге тілті өлсізбін. Әлсіздігім, сенің басыңды біле алмай, екі ойлы болуда емес; өз өмірімнің бір шешілмеген түйіні болғандықтан. Өзіңе белгілі, менің қырдан алған қатыным бар. Мен әлі оны тастаған жокпын, — деп, жудеген қайғылы пішінмен бірталаі өзінше дәмді себептерді айттып шықты. Бұның да айтқан сөзі ұзақ еді. Бірақ Файшаға бұл сөздің шын емес екендігі белгілі болатын. Өйткені “Фаббас осы жолы қазак қатынын тастап келді” деген хабарды да астыртын естіл еді. Сондықтан Файша жігіт жауабына қанағаттанған жоқ. Фаббас қатыныңдай қатын, шын көnlі болса, бұларға бөгет болмайтындығын айттып келіп:

— Аяғында, маған бүтінгі күн байлаулы жауабынды бер. Бөгет қатынымда десен, тілті содан айрылған күнде мендікпін десен де тоқтаймын, — деді.

Бұл сөздер бұрыннан Файшадан шет жағалап көрініп жүрген сөлемекет мінездің анық бетін ашты. Фаббасты Файшадан алыстатьып, сұытқандай болды. Сондықтан ол бекінген пішінмен:

— Сені аламын деген уәдені бүгін бере алмаймын, — деді. Бұл сөзді естіген жерде: Файша алданып қор болғанын жаңа естіген таза әйелдей болып, Фаббастан құшағын алып, жүрегі үзілгендей өксіп-өксіп жылап жіберді.

Фаббасқа бұл жылау ыңғайсыз тиіп еді. Басында тоқтатамын деп айтқан сөзінің әсері болмады. Файша бір ауыз сөз айтуга шамасы келмей, іші-бауры езілгендей болып, өксіп-өксіп жылап жатты. Фаббас басқаның бабын таба алмай,

Файшаны құшақтап бетінен сүймек болып келді де, оқыстар бір ой келіп, жылап жатқан қыздың беті мен екі көзін сипады. Файша бұл қылыққа ашууланғандай болып, Фаббастың қолын тартып тастанды. Бірақ, өртөнгендей болып егіліп жылап жатқан қыздың көзінде бір тамшы жас жоқ екен...

Фаббас қолын тартып алып, теріс айнала берді:

— Туу, сарамас, көзінде бір тамшы жас жоқ кой! — деді.

Файшаның өзі-өз болып, жаман ұсталған жері осы еді. Ол даусы қолдан жасағандай өзгеріп:

— Мен жылағанда, көзімнен жас шықпайтын әдетім! — деді.

Фаббас тұрып, киініп жатып:

— Рас айтасың, қайғың үлкен болғасын сөйтесің ғой! — деді.

Бұдан өрі екеуінде де сөз болған жоқ. Жас жігіт киініп болған соң “қош!” деп шығып кетті. Не дерін білмей, төсегіне жабысып, тас болып жатқан қалпында Файша қала берді.

Фаббастың бүгінгі мінездері Файшаны әбден торықтырды. Енді Фаббастың қайта айналып келуі екі-талай. Жас жігіт есікті жауып шығып кетіп бара жатқан уақытта Файша ішінен ақырғы рет: “Сенен де айрылдым ба, қош!” дегендей болып қала берді. Бұл ақырғы үміт болатын. Ең соңғы сенген адамы осы еді. Фаббас біржолата Файшаны көрмей кетпес-ау? Өз тілегі үшін әлі де талай рет соғар; әй, бірақ ол енді Файшаның тілегінә табылмайтын болды ғой! Оның өз құмарлығы үшін келгені Файшаны жұбатуға жарай ма?

Фаббас Файшага ол үшін тіпті аз керек еді. Барлық жүрістің мақсаты ол болатын болса, та-

лай Фаббас табытуы қын емес. Фаббастың бүтінгі кетуі Файшаның зор үмітін жоқ қылды ғой.

Шынымен-ақ барлық қызық, күткен өмірі осындаі дал болып, қанғып қалумен өткені ме? Өмір бойы кімге кездессе де, ылғи тарқап кеткен базардың сонына ілінүмен өткені ме? Өмір базарында Файшаның сыйбағасы ылғи акырғы перденің, қайылы халдің ойыншысы болып өту ме?..

Тіршіліктен барлық аларым осы ма? Осы ма-зак, осы қорлыққа үнемі кейіп, иленіп өткенім бе? Бұйткенше... қор болғанша бұл тіршілік жоқ-ақ болсын деп, Файша ұшып тұрып, жылдам киініп, өні қашып, жақын жердегі аптекке келіп, бұрын бір таныс дәрігерден алып қойған рецептен бір кішкене сауытқа құйған апиын сатып үйіне қайтты. Жолшыбай Файша гүбірнелік қала-ның қөшесінде, барлық тіршілік иелеріне қөзімен, қөнлімен қоштасып келді.

Казіргі халде тіршілік шынымен-ақ керексіз сияқтанып еді.

Үйге келген соң әлі күнге қараңғы болып түрған бөлмесіне шам жағып, бір-екі хат жазды. Бұның бірін үйіндегі шешесіне арнады. Біреуін қайғылы қысқа сөзбен Фаббасқа жазды.

Көнлі бұл уақытта елімді оңай көргендей, тіршіліктен қазір-ақ “кош” деген бір-ақ сөзбен жылжып жүре беретіндей болып еді.

Хатты жазып болған соң, кішілеу сауыттың ішіндегі қара тұсті уға біраз қарап отырды.

Бір-ак секөнтте ішіп салу, көзді жұмып бір-ақ бекіну. Кәзір түбін ағартып жоқ қылту... Содан арғысына Файша өлемін деп тіленбей-ақ қояды. Құшті у өз жұмысын өзі бітіреді. Әуелі басын айналады. Аяғын шалыс басқызып, сенделтеді.



Содан әрі сүр өмірге “қош” деп жығылады. Аржағы мәңгі үйкі, мәңгі жоқтық. Артындағы ел Файшаның жүрегінде қандай дерптің жүргенін, бұның басы қашалық қайғылы, мұнды екенін сонда ғана біледі. Өкініп басын шайқап, таңдайын қағады. — Асылдың қадірін білмеппіз-ау! — деп қынжылады... Сөйті ме? Жоқ — әлде бұл жерде де бірдеме деп, өлген жузіне қарап тұрып күле ме?.. Жарайды, не болса да деп удың аузын ашып, қолына алып, аузына көтеріп алып келді. Ақырғы рет айнасына қарап тұрып ішпекші болды. Файша айнаның алдына келгенде, стол айнасының екі жағында тұрған белгілі балуан мен Фазиздің суретіне көзі түсті...

Оларға да ойымен “қош” деп, балуанның жуан сандарына көзінің қырымен қарап тұрып, у сауыттын аузына әкеліп төңкеріп қалды... Апиян иегінің үстінен жерге сырылдаپ тамып жатты. Файша сауыттың түбі ағарғанша төңкеріп тұрып, бар у біткен жерде сауытты жерге бір салып сындырып тастап, өзін-өзі өлім жазасынан қайтадан азат қылып күрсініп, тыштық алып отыра кетті.

— Мениң күнәма осы жаза да жетер... Тәуір-ақ өзімді аямадым ғой. Тіпті шын өлу керек болса, өле алады екем... Жарайды, әзірше бара тұр, Файша!.. Бұл жолы ақталып шықтың!.. — деп бұрынғы қалпында тіршілік күндерін тагы да күтіл қала берді.

## **МАЗМУНЫ**

### **ОҚЫҒАН АЗАМАТ**

**3**

### **ҚЫР ӘҢГІМЕЛЕРІ**

*1. Сыбанның моласында*

**31**

*2. Текшениң бауырында*

**39**

## **ЖЕТИМ**

**50**

## **КІНӘШІЛ БОЙЖЕТКЕН**

**62**

**Мұхтар ӘУЕЗОВ**  
**КІНӘШСЛ БОЙЖЕТКЕН**  
*әңгімелер*

Редакторлар *M. Бекмағамбетов, Ж. Жұмбергенов*  
Техникалық редакторы *Г. Темірқызы*  
Суретші *H. Айымбетов*  
Компьютерде терген *L. Сермаганбетова*  
Корректор *Ш. Әжібекова*

**ИБ №03**

Дайын диапозиттен басуға 10.04.03. қол қойылды.  
Пішімі 70x90<sup>1</sup>/<sub>32</sub>. Қаріп түрі “Times Kaz”. Офсеттік  
басылыш. Шартты баспа табағы 5,0. Есепті баспа  
табағы 5,4. Тараптамы 2000 дана. Тапсырыс № 520.

“Таным” баспасы, 473000, Астана қаласы,  
Победа даңғылы, 63/1.

ЖШС “Гридан-Полиграф” баспаханасында  
басылған, 480091, Алматы қаласы, Райымбек даңғылы,  
193-үй, тел./факс: 32-14-97, тел.: 39-59-32.